



浙江圖書館






浙江圖書館




浙江圖書館



浙江圖書館



浙江圖書館



浙江圖書館

嘉興府志卷之十四

知嘉興府事閩陽吳永芳纂修

嘉興縣人物

嘉禾人物始於漢著於唐洎宋明而盛迄於今尤烈
凡以山川間氣鍾毓斯人而光明俊偉各成其材誠
無能泯滅者第人物有大小其載在史冊者原不俟
表章於誌乘若誌書所載其途不可不廣其人不妨
節取苟有聞於郡邑即撫拾之不遺春秋之意善善
欲長崇往哲正以勵後起也志人物

唐

館



陸贄字敬輿溧陽令侃子也以博學宏辭科爲鄭尉建
中初召對翰林爲學士從幸奉天勸德宗痛引過以
謝天下雖武人悍卒聞詔莫不感涕兼諫議諫立瓊
林庫知貢舉得人稱盛貞元八年同平章事請許臺
省自薦屬官仍保任坐主舉又奏去選司之弊及論
西北邊事甚悉侍郎裴延齡奸宄用事公上疏極言
之翰林吳通元忌公先達陰結延齡互言公短十年
罷爲太子賓客會以邊事延齡言贄搖動軍情帝怒
不測賴陽城張萬福救之獲免貶忠州別駕著集驗
方五十卷順帝立召還詔未至諡曰宣有翰苑集

廿四卷子簡禮第進士辟使府歷兵部郎中從子辰
字祥文徙家於陝昭宗時翰林常侍作賦辰和先成
帝歎曰朕聞貞元時有陸贄吳通元兄弟能作內廷
文書今吾得卿斯文不墜矣歷同平章事封吳郡公
後遇害白馬驛又從子明允字信夫元和三年令奉
化發廩賑饑活民數萬鑿新河龍潭溪溉田數千頃

宋

陳舜俞字令舉嘉祐四年制科第一熙寧初宰山陰上
書論青苗法忤執政貶監南康軍酒稅與太博劉凝
之跨犢窮泉石之勝自號白牛居士

聞人安道字彛庚寶應元年乙科趙清獻舉知成都惟
製石經本歸通判歙州時行青苗散及萬緡則月加
俸安道散至九千緡而止曰吾不能去官然亦可以
不請所加之俸矣知南康軍致仕好汲引後進周宗
鄙性嗜禮樂曰士君子律身當如此其言行鄉里師
之 璪字君儀熙寧三年甲科歷忠正軍節推持操
潔白不畏彊禦得祿盡與宗族有家集廿卷 宏字
君度朝散大夫安遠子大觀三年丙科授通州司法
陳了翁貶台州宏願與遊改天台兵曹知宣城以善
政聞著文集中興要覽周官通解各十卷經史旁聞

十六卷 滋字茂德從學嚴陵喻樗隆興元年進士

董將政和八年進士紹興中守真州重新廟學

陳洙少貢上庠裕陵稱嘆其文隆興中令鉛山御史劉

大中察其廉能

書

章元振紹興初與秦檜同登第後知肇慶未嘗以私干
之

錢孜淳熙中令昌化興學勸農與舊令錢冰卞圍齊名
婁機字彥發乾道二年進士爲於潛丞省刑興學令西
安巨室買地爲塋發土遇石復索地價機曰設得金
將誰歸通判饒州平反冤獄爲太常博士請寬恤淮

浙被旱州縣胄子就學兼資善堂小學教授日陳正
言擢監察御史韓侂胄議開邊詔遣宣諭荆襄機昌
言曰使慰安人情則可必欲開邊啟釁有死而已不
能從也卒以此去國侂胄誅召爲吏部侍郎嘉定改
元除叅知政事機惜名器守法度獎進人才不遺寸
長所薦不使人知以資政殿學士致仕著帝王摠要
廣干祿書斑馬字類漢隸源

衛涇字清叔淳熙十一年進士第一開禧初拜御史中
丞請誅韓侂胄論罷右相陳自强拜叅知政事侂胄
旣誅又患史彌遠欲去之彌遠諷御史劾罷涇卒諡

文節侂胄嘗指徽國偽學侂胄誅召徽國還朝而公

已卒涇乃取四書諸經傳註刊布之著後樂集五十

卷弟湜字正叔集禮記諸家傳注為集說一百六十

卷上之朝官寶謨閣知袁州學者稱櫟齋先生

傳

弟衛湜合

林至淳熙十六年進士師事朱子仕建寧教授

舊在流寓

沈炎字若晦寶慶二年進士經畧粵西討郴寇有功歷

大學士致仕炎居言路嘗論劾高斯得李曾伯劉子

澄吳潛數人惟論罷右相丁大全則為公論也

李景勉字懋之紹定四年以慶壽上舍釋褐立朝靖共

於邊事尤曉暢

林子善字常甫淳祐七年進士鄉里稱純儒

永元志增

張燧字子暘太學生為尉廉白勤敏始終一節

元

書

姜復昌崑山州判官時津助法行與省官覈產程役審

諦寬平獲免單窶

項衢字伯通真西山為記孝友堂之學士項相後也祖

宏度宋末隱居號胥山處士作家規二十條父冠字

儀甫至元二十年饑賑粟數萬石授少府丞不拜隱

居胥山以終衢仕淮西廉訪副使清慎公平曾孫景

亮名邦以字行孝感縣丞多惠政後任吳江以俸贖

友人子於伎籍

項宏度項冠舊列隱逸及義行今合傳

陸文英至正間尹邵武政浹民和重新廟學

潘澤民名著以字行嘗主路學其教悉法胡安定

明

鮑恂字仲孚崇德人至正初徙郡西溪元統乙亥鄉舉

王第一洪武十五年詔徵耆儒入見命為文華殿大學

士固辭放歸恂受易吳草廬著易傳大義西溪漫藁

弟子聞人樞字德機又遊江西夏日攷門遂通易學

至正癸卯進士授易州同知

聞人樞采弘治志增

金綱字子尚至正乙巳與張翼同舉洪武初知蘇州以
官民賦不均里胥緣爲奸上疏請減額帝怒賜死子
穎伯從武林俞紫芝游邃於經學

王貞字貞德洪武開科舉人令合水調劇荏平節省供
億以息民歷御史夏祥鳳薦爲邵武令以治行稱
沈章由掾知南康廉勤政舉建通濟橋

王嘉會洪武初舉明經賦詩稱旨試文益賞異之授檢
討除司業與祭酒宋訥創立規程皆可師法

徐中字伯庸洪武初薦明經授鄱陽河泊使歸以尙書
授鄉人質慤謹信有詩文集

陳俊民洪武中貢授山東理問以能名永樂初叅政貴
州撫綏兵民邊鄙賴之

沈鑑洪武中僉事左遷閩尉勤敬慎恤興學愛民永樂
中僉事福建搢履如一弟鉅深於春秋能詩洪武中

爲石首令有希賢集

沈鉅采
徵獻錄

李文榮洪武末貢令萬安爲太僕丞以事謫戍京衛軍
時靖難初定巡狩郡國文榮上言京師空虛宜嚴守
衛監國者謹之悉錄民壯守城回鑿駭詢以計出文
榮擢福建右叅議賜鐵牌得專勦寇後江西有叅議
李文榮犯大辟長陵特命原宥法官執其非是終以

姓名同不忍竟法

允夔字堯卿永樂初徵授睢陽丞攝令事蝗移旁邑鄰
尹移文曰願如法捕毋縱入他邑夔報牘云蝗蝻非
家畜敝邑豈能縱之苟有德政召和弭災蝗將遠去
夔若不德蝗當復至敢讓鄰耶鄰尹媿服又邑人漢
徐栩字敬卿爲獄吏執法詳平令小黃蝗過界不集
刺史行部責栩不治栩去官蝗大至刺史謝令還舍

蝗乃飛逝

漢徐栩
附合傳

嚴貞字頤正永樂甲申進士令景陵廉介有爲民懷其
惠 龐敬字克誠癸卯鄉舉令羅田廉介嚴明壇壝

廟舍皆創立焉 鈕正以從靖難功官指揮 諸忠
薦舉判饒州以能名

朱冕字日章庚子鄉舉教諭崑山課勤而嚴稱善教

俞山字積之事大母及母能孝宣德庚戌乙榜正統庚
申伴讀郟府日以大學衍義進說歷少宰景泰初議
迎復同列有難之者山獨曰鑿輿復然後人心悅而
天下安况天倫所係至重力贊之事獲濟裕陵知其
清作歲寒圖題詩賜之有以易儲請者諫不聽退而
嘆曰禍始此矣引疾歸晉少傅爲文依據經義著梅
莊集子誥給事中能詩

沈淳字惟厚正統丙辰進士歷吏部員外少讀書有鄰

女夜奔閉戶不亂其介類如此

采弘治志增

伍方字公矩景泰甲戌進士知武崗州州經苗亂多流
亡督稅甚亟方請蠲貸粵蠻寇擾爲法防禦坐累謫
戍柳州歸閉關耕讀結耆英會著柳菴集四卷

姜諒字用貞天順甲申進士歷刑部郎讞鞠明恕知漳
州歲荒患盜發廩賑乏招撫賊黨禽厥渠魁又築堤
捍潮禁佛齋薶枯骼以親老乞歸

陸遠字德毅成化乙未釋褐知海州嘗行部有還風三
市馬首令邏之得一人死樹下乃土人殺買牛商移

此又過大尹嶺有小嶺號於前迹續所之得盜牛殺

此又過大伊鎮有小犢號於前迹犢所之得盜牛殺

犢母者一境稱神

采徵獻錄增

包鼎字汝調與弟鼐同舉成化戊戌進士守池州政務大體郡以治欲乞休子憑奉書重緘無他言惟左記室招隱詩而已遂棄官歸鼎子愈妻陳志妻楊皆著苦節志子節字元達與弟孝相繼舉嘉靖壬辰乙未進士節司理東昌多平反以御史按湖廣劾守陵璫廖斌被反誣謫戍莊浪勸母弟沒卒戍所遺命以斬衰入棺有臺中湟中集孝字元愛歷河南道御史摘發如神嘗請蠲租賑饑先後論分宜相及典試之不

法者以兄戍乞歸養母喪以毀卒憑子汴僉楚臬叅
蜀藩並有績汴子檉芳先父釋褐督學稱得人歸捐
田贍族艱於婚葬者周之檉芳子世杰萬曆壬午鄉
舉諭永康俗多溺女婢至老死不得嫁立法諭止之
遷知泗州盜殺紳左某緝不獲禱於城隍神夢遺以
蓮花錄其家有婢名夏蓮者訊卽服世杰子鴻達字
儀甫順天鄉貢第一舉進士令湘潭歲饑代民完逋
賦事親承志理學經濟詩文皆勝場包憑舊傳隱逸
戴祐字元吉成化丙辰進士試御史稱敢諫僉事福建
浦民以逋稅執令以遁臺鎮檄兵勦之祐謂民愚激

則生變撫諭平定

陳良字公遇辛丑進士任司理稱廉平

姜學夔字一臣辛丑進士令龍泉多惠政擢御史忤璫
劉瑾以湖廣僉事致仕設義塾置義田

顧節弘治中令翁源請賑饑修城隍興學校邑羊逕山
路險患盜治爲坦塗

王儒字汝珍正德丙子鄉舉教授順天府弟子嚴鉉居
塞外徙學舍旁教之後鉉成進士知嘉興府又同邑
有王儒嘉靖己未進士知杞縣歸時三邑田事議久
不決儒爲七辨以折之

采徵獻
錄增

周惠任兵馬指揮李樂者殺人潛逸適民有相怨者誣
証成獄惠抵樂罪釋誣者又僕殺幼主踞其產因賄
當路惠抵僕罪遷判辰州當黔衝革驛政積弊司倉
粟推陳與民畧無朽蠹

陳所蘊嚴嵩微時遇盜於郡蘊父倫為歸之及柄國欲

為除內閣典籍蘊辭之嵩敗主詔安簿著善績

周惠陳所

蘊並采徵獻錄

嚴從簡字仲可嘉靖乙未進士以行人使樂安王府却

金幣遷工科時代藩與縣官告訐從簡奉勘不直代
藩初從簡管仗厰稽覈嚴閣豎惡其害已也潛割其

牙牌至是代藩憾之發其事左遷揚州司馬解綬歸
著殊域周咨錄

陸相儒字大行己未進士孝行潔白知延平創義倉興
學校初庫役病民多破產乃倡行條編法擢貴州副
使時土酋拒命已數歲相儒獨許其自新遂歸順改
福建會島寇內訌遣材官逆於海斬馘有功未及聞
以勞卒

宗弘暹字進甫壬戌進士令豐城釐宿弊修學治水歷
禮科都給事時河決漕運患徐呂洪及寶應湖險弘
暹議開新河徑道於徐築腹河於寶應丞徒賴之

王經字伯常壬午鄉薦知漢州罷供億均糧則勸樹蠟
除馬龍州有功學校

孫詔字朝宣丙辰巳未進士主工部事建三殿修內苑
省覈諸費權楚稅遼藩恣橫每箝制使者詔外和內
介無間可投子叔文光祿丞能文

戴鳳翔字志會巳未進士授行人使江右關中却藩覬
擢吏垣屬海鹽海溢議修者以費鉅難之鳳翔抗言
鹽爲三吳屏障遂築塘捍之復條議宣薊戰守六事
又條弭盜六事責良吏以資安撫布恩信以招流亡
廣積貯以脩賑貸嚴巡邏以散徒黨守城隘以防竄

突練民兵以杜竊發後二十餘年流寇並起人服其
先見歷刑部郎待詔瞿九思江陵壻也坐法當死乃
使鳳翔恤刑湖廣至則釋冤濫者千餘而獨按九思
如法居正怒調知九江又嗾南臺劾之久滯京師詣
吏部改調尚書陸光祖戲曰鳳翔合得鳳翔府乃授
之遷苑馬卿引病歸

采微獻
錄事補

許燭字文升父梧通州司訓有孝行燭庚戌進士令蒲
田殲島寇均糧則調劇鄱陽郊行過橋風掣其冠墮
水意有冤令車水水盡得尸冤問得殺人者抵罪改
濰縣撫凋瘵不遺力子應培字伯厚孝友博學擅文

辭及子鍊並以狷介稱

許梧舊傳孝友許應培許鍊舊傳藝林

卜相字夢良壬戌進士歷雲南叅議崎嶇山谷招集流

亡儂賊寇臨安相開宥脅從因賊為用襲擊禽其魁

李芳字叔承父湘常舍其宅旁地建常平倉出穀千石

以賑饑芳壬戌進士令曲周清勁明恕行保甲法教

民以桔槔溉田高者種木棉時江陰多逋賦患盜令

坐黜者數人移芳治之以最徵子原中字君時萬曆

己丑進士令溧陽主醮務却羨金改大名學職有巨

室殺人數載獄不決檄治之竟抵死以父老乞歸

沈伯龍字雲卿父大禮有淳行以鄉貢司訓勤於誘課

伯龍乙丑進士令內江有惠愛時直指貪悍因伯龍
內召將行發其囊止俸金一鎰而已守川南會九絲
亂躬督戰矢勵將士以捷聞番猺叛督撫以五萬卒
屬討論解其黨縛渠魁以獻江陵父喪不往弔罷歸

父大禮
合傳

屠元沐字日新乙丑進士歷叅政副使屏鼓吹歸謝客
不異寒素卒惟殘書數卷

馬如麟字昭父甲子舉人令居巢救荒多策活民萬計
築圩障湖號馬公圩著正訛編六稽錄公餘雜著

徐學周字尙文祖瓚廣東關望巡檢著清節學周與弟

學會同舉甲子鄉試以會試乙榜第一知嘉定商人
例餽茶稅學周曰若不聞吾祖有却金事邪拒弗受
土司嶺栢死妾子應昇年幼族人阿祭據符相讎殺
臺檄治之斬阿祭立族之賢者嶺起鳳與應昇分治
土司以寧課治行第一以雷州同守致政歸子必達
字德夫萬曆壬辰進士筮仕太湖補溧水民爲立祠
太湖八溧水十一擢南考功時比之趙高邑歷光祿
卿修光祿志中璫壞祖制及妄費累郡邑者悉請除
之又條白糧耗折納候之累請以民艘先於軍尹應
天晉僉都督操江值川賊奢寧山東蓮妖凡防勦機

宜甚密遷南少司寇爲忌者中自劾歸初宰溧以改
闡爲壩獨被水困請蠲協濟及永折漕賦至任摠憲
復委曲奏之始得請晉司寇卒贈司馬子八世淳字
中明戊午鄉舉諭永嘉修學宮闢講堂擢重慶節推
釋寃滯禁誅求刺隨州時闖獻賊方熾隨爲兵衝世
淳將行戒二子肇森肇樑曰賊隳突襄鄧及隨隨三
破之餘然郢之肩背也守隨所以衛陵寢樑也行扞
牧圍以佐守森也居斥家財以益軍吾必死於此矣
十三年十月涖隨修城隍庀礮石繕南城譙樓寢處
其上明年四月賊陷襄陽躡德安獲偵賊斬之賊知

有脩悉衆來攻三使告亟於郢巡道趙抵章不顧巡
撫發游擊往援趙又留弗遣世淳不解甲五日不食
二日賊潛師隳北城入世淳使子肇樑埋印州廨後
勒馬巷戰賊脅下馬曰有死城州官無下馬州官也
刀矢貫頤屬頰眼鼻橫斷墮馬手握印廂鍬悅銜於
袖鉞刀交下陷胷斷股而死肇樑至哭且罵賊殺之
將死呼州人告以埋印處世淳妾趙氏王氏臧獲十
八人皆死賊驅趙不出先殺其所抱幼女申姑斷其
八指罵益厲賊刃之世淳死之日吳人石琳求得
其尸歛之趙氏與申姑相抱不解遂并棺以歛肇樑

尸卒不得巡道趙欲沒其死事狀荆南道力持之撫
按乃上其事肇森亦詣闕陳請贈太僕少卿隨州嘉
興皆賜祠肇榘祔祭初世淳罷公車在京師一日忽
心動七晝夜馳歸適父病革侍藥七旬而沒遺產悉
讓弟姪世淳長不滿六尺退然如不勝衣孝友順祥
內明外柔兼通象緯數學叅同悟真家言尙書著南
州集南州詩說南京都院志罔卿著易就春秋彙編
肇森重趼千里白父死事又讓父蔭於肇榘子又叔
子彬以不得同父死爲憾乃斥宅爲祠捐田百畝屋
百楹以贍祠嘗以千金償友逋精於醫有金匱論注

並采郡紀
野乘事補

高文登字伯升太常嗇菴後也父銘嘗以官稅貸饑民

遂誤國課繫獄文登年十三請代繫知府郭應奎夜

巡獄聞讀書聲俛出就試補博士弟子復請代久乃

事解隆慶丁卯鄉舉令葉活饑民萬餘置學田守膠

州以法繩奸宄者尋乞養歸

高銘采
徵獻錄

陶炳定遠籍籍海寧衛所千戶正德初從討開常屢俘

獲後有朱先者嘉靖間胡梅林縣賞格購倭首先手

刃數十獻不求賞歷官摠兵絕聲伎不置田園時有

徐軫亦以獲倭授百夫長三十四年勦寇平湖無援

戰死金丹諸生坐註誤棄學武嘗說降島寇徐海後

從平閩廣諸寇歷副摠兵王憲亦以扞城禦倭功官

鎮撫

朱先徐軫金丹王憲並合傳

時禦倭

戰死者又有范希雲沈應仕劉大道

高夢說申文定嘗延為塾師後選諭華亭歸未嘗致一

尺郵著蕉鹿醒言希白吟草

金燿字樂泉以貢授柳州別駕平徭亂奏最日竿牘不

入都門久不報遂歸

濮淮字大川選諭仙遊值倭亂與令日擘畫城守得不

潰

許應達字伯漸隆慶戊辰進士知東平州以廉稱時守

欲開水田應達言其難行已而果無功應達教民藝
麥乃大穰守恚爲所中調遼州歷工部員外司權清
江時王公堤潰守臣議開別河避之應達堤以石竟
無患寶應河險應達議開月河朝慮非經久應達身
歷籌布費十二萬而河成於瓜州創船塢使艘自江
入者得避風險甓康濟舊堤范家口決以法塞之治
蘇松水利首開吳淞江七十里次支河溝洫一歲成
沈思孝字純甫祖鏊爲丞而月得父書遂棄官歸父英
華高隱思孝戊辰進士令番禺制府殷嘗募富民泛
海舶思孝格不行又嘗募浙兵三千至則罷之兵乃

譚思孝以計收之亂定擢刑部主事會劾江陵奪情
事廷杖戍神電江陵沒召還歷南太僕卿御史房寰
詆海忠介進士顧允成等以斥寰除名思孝上言三
進士不當黜海瑞以清節見知律以中庸之道或過
顧非房寰鄙人所宜輕詆者帝切責思孝投劾歸起
巡撫陝西平劉勃之亂歷兵部侍郎乞歸思孝論殺
奸閹郝金拒中官宣索內操廩賜請減陝西旃芻斤
樞部石星主日本封事爲非是皆卓有獨見卒賜祭
葬贈蔭著吾美堂集溪山堂稿

沈鏗舊傳隱逸

屠叔方字宗直曾大父機至孝多隱德祖勳父應竣叔

方萬曆丁丑進士令鄱陽鄉先賢胡閏者靖難遜國臣也得其死事已入為御史請為諸臣立祠及修墓卹錄遺裔宗黨編戍者赦宥定陵從其言蒙宥者千

六百人

屠機采弘治志

書

岳元聲字之初癸未進士令旌德均徭釐蠹遷國子監丞詔選良家女元聲上言皇長子册立未舉而先盛女謁非所以教又論用銅具撻宮侍為非及尙書李長春廕子紊監規擢工部主事時詔三王並封元聲言祖宗朝無元子封王者諍甚力定陵切責之元聲復詰首輔奈何援親王入繼之文為儲宮待嫡之例

於是輔臣引過事得寢遷郎中論關白稱亂禍始朝
鮮因劾兵部尙書石星倚沈惟敬封貢之議疏及閣
臣趙志臯趙銜之又疏論首輔奪情勒爲民天啟改
元起歷南兵部侍郎楊忠烈疏魏璫罪被旨切責元
聲偕同官疏劾忠賢不之省初營都司陸超以剗軍
激變元聲杖繫以聞御史曹應瑞徐復陽阿璫連劾
削籍歸忠賢敗詔復官元聲發明易象旁通鍾律著
潛初子集易象微言讀易圖說又三邑錯壤嘉善民
獨構訟元聲著田糧沿革年譜三邑分縣圖籍考巡
撫上聞詔如故弟和聲壬辰進士令汝陽築汝堤號

岳公堤

弟和聲
采邑志

孫光啟字子貽癸未進士筮仕比部典銓某欲薦光啟

自代託同舍郎致意光啟曰薦人而使人知我不能

作感恩吏部出守惠州摘奸如神却羨金弟光裕字

子長辛丑進士歷南御史時東宮講讀及福藩之國

桂瑞二王婚禮與楚獄諸大事並廢寢光裕疏爭之

彈治齊庶人驕橫復陳區處宗族事宜擢光祿少卿

有廉善堂集

弟光裕
合傳

浙

吳弘濟字春陽丙戌進士歷御史時詔三王並封言者

皆獲罪弘濟再疏力諍事旋寢奉命巡關適吳鎮許

趙用賢悔姻弘濟疏理其枉語侵政府定陵怒坐黨
護鑄兩階俄削籍德陵登阼追論國本功贈光祿少
卿子兆榮篤行好修婦黃名文貞明經史大義甲申
之變子統持欲上書南都止之曰奸相竊柄汝將何
爲丙戌母卒統持賣卜遠引曰母氏遺教也

吳兆榮采
野乘增

李應徵初名衷毅字伯遠七歲喪母哀毀骨立事後母
及後母弟盡孝友舉癸酉鄉薦以詩及時事忌者文
致於罪定陵原其無他獲免丙午以廉察實行首選
得壽州學正念同選友人羅元甫貧以壽州讓之改
諭臨安著青蓮館偶寄軒澄遠堂諸集子士標字霞

舉貢選上林苑丞遷寧海州同知崇禎壬午冷口兵

城知州汪逢淵未至官士標竭力繕守三月逢

道馳至士標臥疾督守城上癸未二月卒食

盡城陷逢淵及吏目魏世選俱被害士標妻沈氏率

其妾及臧獲二十三人同日死子寅徒步往負骸骨

還撫按特疏請卹士標著蒼雪齋詩寅有視彼亭詩

存

李衷純字元白壬子鄉舉令如臯有治績歷淮鹽運使

有激楚齋草

周從龍字彥雲癸酉鄉舉歷南大理評事孝弟力行學

者稱鱗潛先生著大學遵古編中庸發覆編論語蠹
談孟子支言六委齋釋聖堂稿

李培字培之少從唐一菴陸莊簡諸人遊以貢諭上虞
海寧新城遷龍南令所至講學不倦又婁光遠庚子

鄉舉諭烏程新堂閣齋池遷令清流

婁光遠采
郡紀增

金九成字伯韶父應秋以貢諭六合清學田贍貧士九
成丙子鄉舉父喪力却賻著讀史論春懷草借竹軒
集子壽明敦行誼孫善鎔以藝事稱

高道素字明水己未進士主虞衡司事時桂惠兩藩分
建道素改營繕偕內官黃用作桂邸楚筦計者迫軍

需先惠後桂忽兩藩並命之國黃用亟事丹堊半載
邸成未幾寢殿以風雷圯道素亦坐譴衡紳劉某怨
道素按圖徙其宅嗾問者文致於法道素善後母弟
爲諸生時倡置義田於仁文書院有景元堂集如晦
軒日記子承埏字寓公崇禎庚辰進士知遷安漕艘
凍絕檄遷陸輓四千石請減半爲移解行水利屯田
流冗歸者千七百戶調寶坻清隱占通河漕及免剝
船解戶邊警邑被圍再却之改涇令民歌之曰琴溪
泉潔而清崑山阜高入雲誰其比高使君入主虞衡
上書訟父冤復原官甲申後誓墓不出疾革賦詩云

惟年而惟士參炎表孤賁著皆皆古堂集高道素承埏

惟將前進士慘淡表孤墳著稽古堂集

高道素承堪事采郡紀野

乘增補

高道淳字采菽少從魏廓園遊輯古言行爲一編曰最

樂除南光祿丞恪恭明禋乞將母歸

施爾志字章甫父乾濮州學正有操行爾志壬辰進士

王司理太平鍾生獄枉出之女囚論報當死以兒幼俟

兒長就法歷雲南叅議潔已化俗弟爾業清操如父

兄

爾業采郡紀

顧萬祚字完三己卯鄉舉諭象山能振士習節推南寧

稱廉平攝守事以單騎諭獠之拒命者

嘉興府志 卷之四
李日華字君實壬辰進士司理江州署守令事斥奸胥
蘇駟困息關暴謫汝州同知改西華令隄防水害歷
儀部主政乞養歸廬父墓起歷太僕少卿歸著恬致
堂集六研齋筆記倭變志璽召錄諸書

王胤昌字永叔父三錫嘉靖癸丑進士司理保定歸值
倭變巡撫阮鶚被圍於桐邑三錫佐鶚保禦孤城昌
辛卯鄉舉歷貴陽董稅丞奢崇明叛昌以印籍間道
歸上官賊來索印昌焚香北面拜縊死贈光祿卿賜
祭葬世襲千戶

沈孚先字白生戊戌進士歷考功文選門無私謁著人

材錄尙白齋稿

譚昌言字聖俞曾祖諫南光祿署正廉介有守昌言甲
午鄉舉第一辛丑進士令婺源盡鑄朱子遺書以課
士民爭山鬪訟爲封山著禁有鑿山鎔灰者罰無赦
訟頓息開江灣金竺嶺避芙蓉五嶺之險民名譚公
嶺補樂城歲侵患盜爲給牛鑿井以勸耕遷北兵曹
抗論四路出師必敗已而果驗督閩學不發私函事
竣以尺牒侑而還之謠曰來一封去兩封以爲不信
視郵筒子來省以試未畢不許入解晉山東叅政濰
令與遼將相構遂以遼兵叛聞巡撫檄登兵會勦昌

言入營握遼鎮李性忠手令馳箭諭濰營士皆泣比
得旨事已定蓮妖敗官兵發新練兵救之賊遂平朝
鮮主爲李倬弒島帥毛文龍爲倬介以重賂請封故
事使舟從登上昌言曰弒主不討而封之損國威拒
不及岸乃迂道由天津島帥構內旨得舉刺文吏造
蜚語中其所屬營餉同知翟棟緹騎械翟於庭昌言
曰以我故累廉吏而不能救何以生爲遂嘔血卒卒
之日廂篋空虛不加璫鏹著狷石居遺集子貞默字
埽菴崇禎戊辰進士任工部 國初薦署司業辭歸
著其間集韻史蒐筌諸書貞和字閭仲以父平賊功

尼不叙兩叩關贈太僕賜祭葬貞和廕入冑時宰以

其諳典故擬授中書貞和曰邊場有警當國者不亟

社稷而爭門戶此東漢之季也乞詔老南還謝病不

起貞良字元孩崇禎癸未賜進士第一明年京師陷

旬服南奔客死漳州初父知婺源民為立祠貞良步

擔入山板庭中枯栢哀號淚漬理栢復榮著狷石居

遺稿貞茲字立生有清音閣詩草曾祖諫合傳子貞默貞和貞良貞茲

采文集
詩綜增

王維新字季常癸卯鄉舉令光化邑介襄鄖山賊莫能

禁練鄉勇緝之又溫水溢疏之入於漢歷繕部主事

嘉興府志 卷之四
織閘車天祥以兩罌金餽立却之懲其乾沒

包汝楫字公刻已酉鄉舉令綏寧苗獠錯處爲修城解
建學舍築堡壘歸置義田揜骼著牂牯草闌言游牘
南中紀聞子爾庚崇禎丁丑進士以文名家著直木
居稿歷知州

屠存仁字念慈居母及後母喪哀戚踰制壬戌進士歷
都水主政理中河通漕護陵賑饑揜骼拯溺亡算剏

蜚鴻館課士

禾徵獻
錄增

浙

高登第字任野貢選鄞縣令請蠲額外之徵不報乞歸
孫陽陽妻歸淑芳並能詩

丘民貴字仲鄂辛卯鄉舉令長汀正里甲清倉庾平田
賦子履嘉庚戌進士歷禮主政值郊祀考典制稱詳
盡歷晉督儲去額外徵十七萬乞養歸母沒卒於喪
沈夢斗字應宿丁丑進士歷宰盱眙常熟民稱慈父知
無爲州郵蓄清稅以死勤事同寮歸其喪

沈中英字霞城癸丑進士歷守安慶保釐有惠政

徐潘字兼之天啟中順天鄉舉歷萍鄉令王貴人者勢
張甚其子攘一嫠產潘竟歸嫠太守曰獨不爲功名
計乎潘曰功名止於一身心術留於後裔

張汝開字伯元己酉鄉舉歷懷慶同知修武陟修武溫

縣三城以禦流寇又王紀善為三原丞濬復秦時故
水道攝臨潼川寇內訂代民軍輸令三水雪冤滯鋤
強暴子承謨能文盜夜至救母被斷臂病死臧獲王

成亦翼主罹禍卒

王紀善采郡紀王永謨王成采王氏世譜

虞廷陞字乾颺大父志曾與兄志高友愛痛兄歿服除
亦卒父紹唐能詩廷陞丙辰進士司理徽州繕城修
學緝樂器埋露齒遷工科璫祠成不畫名削籍思陵
踐阼復官上言裁冒濫卹沈寃禡佞臣梁夢環以快
公憤懲巨奸李實以謝寃臣又陳考選事曰破情面
抑奔競子相堯字在欽壬午鄉舉甲申後以母老不

復會試季幼孤友愛倍至

已上六傳並采徵獻錄增

徐石麒字寶摩壬戌進士授營繕主政以代輸黃魏賕
闔嗛之落職崇禎初復官歷應天丞司寇鄭三俊以
執法下理莫能救石麒因奉賀表疏救獲免歷晉司
寇推明律意多平反兵部尙書陳新甲失邊事下獄
中朝有黨護之者石麒以陷親藩七城七十二具辟
給事姜埰熊開元以言事下獄罪不測石麒上爰書
附輕比思陵詰責卒持不易遂奪職後禾城破自經
僕祖敏李昇從焉時兵入家人遑遽僕李茂奉尸封
書櫃中越二十五日斂色如生袖有遺筆云圖無忤

於君親庶有辭於忠孝凡百九十二言著可經堂集
弟石鏡能文著春暉堂集子爾穀字似之有畫水草
堂詩稿石麒麟妻顧有婦德爾穀坐松江事被逐妻孫
氏聞其死亦蹈水死而不仆

李毓新字喬之崇禎丁丑進士司理潮州決獄釐弊流
寇充斥著勦寇十二篇平之建議築城於閩廣界名
豐順鎮兵以禦盜妖火夜生中人輒死禱以文尋滅
歲旱祈雨二龍見逼城隅水不沒者三坂登陴祝之
俛而逝攝端州力鋤虎暴閩寇犯饒平及大浦十餘
戰奏捷梟革時害於兵子禎先抱父尸亦死

胡振芳字來子丁卯鄉舉歷蘄水令流寇圍邑禦九十
日及城破家人皆死獨身縋城走黃州黃復破赴省
賊又陷省被執不屈砍其肩氣絕復甦舊役負匿山

中後客友人黃承蒼家數年卒

已下三人采
徵獻錄增

湯執中以掾丞廬陵崇禎五年有粵寇集鄉兵戰於木
湖洲手刃數人賊將遁俄前騎中矢馬逸不能止執
中墜馬遂遇害

錢嘉徵字孚于以乙榜充貢留都懷宗初御上書論魏
忠賢十大罪通政呂圖南拒之并劾圖南帝召忠賢
至付侍臣當御讀之璫不能辯自是言者繼起元惡

乃除尋令松滋省刑獄嚴保甲甲申後歸日祈死於
家廟及病革痛君國故乃自貶易簣於村北之馬家
廟卒初兵亂嘉徵留福州垂破出走僕徐某章服縊
於堂兵望之羅拜遂得免于泮嘗與其同年友巢鳴
盛講明絕學先父卒弟福徵猶子汝霖咸服行古誼
巢鳴盛字端明大父祖羲橫經授徒盡歡菽水幼弟破
敗給以已產學主誠意黜邪崇正遺戒勿用浮屠鳴
盛丙子鄉舉亂後杜門講學與兄鳴韶鳴和一門友
愛廬墓三十年仿司馬程朱書儀家禮損益古今爲
家則有永思草堂集弟子沈麗日叔選能傳師說以

古本大學易中庸孝經爲四經合讀麗日弟襄日幼
助亦從受學止園稱之曰通而能執和而有濟襄日
爲廣州守耀辰第十子性孝友盡棄產成窳窳楊園
先生亟稱之著心逸軒詩時又有孫鍾瑞子麟少志
於學長敦六行以明道育才爲已任卒乃爲自祭文
辭世詩著易學心符可人集諸書門弟子徐鑑集其
遺言鑑少學於施博與友人鈕允恭錄師說四卷

盛舊傳隱逸巢祖義舊傳孝友沈麗
日襄日采見聞錄孫鍾麟采縣志

國朝

王庭字邁人父堦好義嘗還道旁遺金者庭順治己丑

進士與熊次侯劉克猷聲相埒除廣州守晉臬副平
李定國之亂歷江西右藩請蠲南昌暴賦補山西歸
著三邑嵌田續說理學辨三仕二西諸草又錢標初
亦著嵌田論

沈閔劭字子將己丑進士令寧遠勞來流亡會師征粵
道掠於境令民擒十八人詣經畧斬以徇偽令畔逸
諭降之歲旱請蠲租尋遷同知

莊鱗字玉侯諭平陽新學宮壬辰登第主都水事督河
張秋沙灣口決禦之著沙工紀畧安平患澇賑活數
萬分巡汝南值量田令止釐其匿稅者民不病

李明罄號蓼園嘉興縣梅會里人性至孝嘗割股療母
疾年十三以文謁錢宗伯謙益目爲神童有聲復社
間嗣寓閩以鄉貢司訓古田爲佟撫軍國器公推重
檄贊機務曾辨釋疑似者活無辜無筭順治五年充
本省武鄉試同考官稱得士旣歸里以著述終其身
所著有焚餘草南北遊草萬里詩樂志堂文集若干
卷贈中大夫子琇處州司訓我郊廣西蒼梧道陳常
癸未進士兩淮巡鹽御史

傳載秀水縣人物

在莘副榜貢生

維均由御史任順天守道

譚吉聰字舟石父貞良入漳遇寇聰尙幼以身蔽父擊

夏身府志 卷之四 三
之不去寇曰此孝子也舍之同知延安修學校副將
朱龍叛身宿城上與民死守川寇陷延綏運道絕命
勇士間道渡河以山西粟突圍入榆林得完著延綏
志肅松錄爾雅綱目嘉樹堂集弟瑄

譚瑄字左羽己酉舉順天歷禮垣戊辰楚省兵變藩臬
道府皆新除道遠未至瑄疏請以在京官速赴任董
之又六計弊吏年老者多以廣文充數瑄疏貢士需
銓時年已老甫得一官而復以老去可乎請停勿劾
著涵萬樓疏稿營先阡爲世墓圖說子有年丁卯鄉
舉令靈寶江寧亦貧能厚葬

王燮字子和康熙癸丑進士令阜城邑劇驂不以供億
病民擢吏主事弟熒山陰司訓亦知名又姚原滄甲
辰進士令任丘邑患盜計擒其魁征賦不入署盜至
惟得帛數束棗強令吳三錫亦能其官

高以永字子修癸丑進士令內鄉楊來嘉反兵鎮襄陽
有越境誘民爲廝養者逸則擊其親串永任三日廉
得之告巡臬正其罰時墾荒以六年起科民病之永
爲寬其期賦分五則民避重役永皆報中下復給牛
種闢田二千頃邑貢黑鉛三百斤俄增至百倍力請
得減尋知安州饑歲興發不待報州白洋淀水涸民

藝麥沮洳中軍人誣侵牧地許巡撫永曰淀偶涸爲地指以牧他日水溢必移指他地是害民無已也因議清丈忽雨復浸事遂寢擢戶部員外卒永舊學於施博歷官十一載未嘗以家人隨宰於中詩云一官消受菊潭清蓋實錄也著戶部詩集兄以正前壬午鄉舉諭縉雲寧海以清德重於鄉 基重戊子鄉舉令新城甲寅寇變南征軍輸皆不累民以永子孝本辛未進士

徐嘉炎字勝力書過目終老不忘中宏詞科授檢討庚午主貴州試能得人晉閣學會秋讞上有傷人抵罪

年僅十三請得緩法貧者自給典朝衣冬夏相易以爲常凡奇書逸典鴻覽之士未睹記者輒就諮詢焉卒賜祭葬著抱經齋集子祚增內丘令亦知名

朱振字千仞己未進士令舒城劇驂遭寇躪振葺明倫堂均賦稅清保甲勸農桑師征武昌道舒市晝閉振令悉陳於庭平價鬻之兵乃不擾舒七門堰溉田二千頃勢家曲防遏其利振考舊志復漢魏故跡淮南四郡種雜糜芑新令紅白分貯民病揀納力請得如故夏旱請減賦秋蝗不入境攝牧六安革羨賦以旱步禱疾卒著有龍舒治畧

虞兆清字鑿斯已未進士令綦江奉稽隱占墾磽瘠以
寇躡請從薄賦勸植桑柘招攜流冗有化離者歸其
鄉攝忠州修宣公墓又以公及劉租庸李鄴侯白太
傅並吏南賓建四賢祠明楊應龍亂綦守將房嘉寵
張良賢死難亦祠焉擢侍御有蜀著素業堂集子元
標嚴州司訓元枋乙酉鄉舉從弟兆瀛並善詩詞

浙

江

舊籍附

宋

魯直居當湖令鹽官請粟賑活民廿萬又療疫作叢塚

瘞死者鐫其名於石

袁志入人物

焦煥炎字晦父炳炎弟紹定間廷試第一論奏皆切中

時病抱負英畧守邊多顯効仕至鎮江守

采元志

元

楊樞父梓總管澈水人樞大德中校尉奉使著勞績

白挺字廷玉錢塘朱氏子少育舅家因其姓元末歷江

浙儒學副提舉撰湛困集經子類訓集翠裘靜語挺

嘗刲股以愈母疾

明

鄒濟字汝舟其先由嘉興徙餘杭洪武末訓導靖難後
歷右庶子時宮僚多得罪濟以憂卒後獻陵悼念舊
學贈宮保謚文敏濟博學修行能文章子榦

戈其卿舉賢良授嘉禾遞運司使徙當湖

俞綱字宗立居嘉善景泰間兵部侍郎入內閣謹身率
職人稱長者又干璠亦居嘉善成化初由給事知襄
陽建府學殿舍

尚綱其先居禾坐戍睢陽爲睢人與弟縉俱成化進士

綱歷山東叅議縉刑曹郎

羅輅字質甫曾祖徙江寧兄輿孝友弘治辛酉鄉舉輅

正德戊辰進士歷知南昌聞母病棄官歸補歷兵備

屢乞歸養以孝稱

李儒字宗文其先徙華亭正德甲戌進士掾履清恬歷

刑部郎

嚴清字直甫其先本汴人咸淳間賣藥於竹鄰巷明初

又隸雲南清嘉靖甲辰進士歷撫黔蜀晉司寇冢宰

以釐奸清節聞謚恭肅

蘇海下八人
清並傳人物

聞人謨入籍餘姚正統壬戌進士歷御史謫驛丞知吳

開縣以直言執法不容於時族孫銓嘉靖丙戌進士令
 寶應開河衛漕渠為御史巡山海關修城著績督學
 南京刻三禮舊唐書於學官

吳國倫字明卿其先謫戍家於興國嘉靖庚戌釋褐給
 事工科以詩輓楊忠愍謫江西按察知事

舊傳人物

江 浙

五... 浙... 吳... 嘉... 興... 國... 倫... 字... 明... 卿... 其... 先... 謫... 戍... 家... 於... 興... 國... 嘉... 靖... 庚... 戌... 釋... 褐... 給... 事... 工... 科... 以... 詩... 輓... 楊... 忠... 愍... 謫... 西... 西... 按... 察... 知... 事... 人... 物...

孝義

漢

張武父業郡門下掾送大守妻子還鄉里至河內亭盜
夜劫戰死武後之太學受業每節持父遺劔至亡處
祭醊而還太守第五倫察舉孝廉遭母喪過毀以父
骨不返哀慟卒

唐

丘爲事後母孝芝產堂下晚登第歷右庶子時已八十
更餘而母無恙給以俸祿之半初歷官還鄉縣令謁之
爲必候門磬折經縣治降馬而趨

舊傳人物

宋

項相字汝弼開禧中孝廉紹定初翰林學士弟棟汝用
咸克孝友因以名其堂

戴顯甫嘉祐癸卯與舅陶叔獻同舉進士陶卒京以其
喪歸葬養其家人又聞人做亦能周人於厄

顧孝淵與弟恂愷皆孝友孝淵善草書從事藩府卒文
安恂負骨歸葬卹其孤嫠 陳四四嘉定十一年剖

心療親疾

張仲淳一商疾篤投之沒爲之斂盡以橐金還其子復

厚遺使歸葬後生子師中歷尚書郎

朱張恂字宗厚以征廣蠻功授進義校尉厓山之難勤

王隨溺於海子穹壽天任奉父衣冠葬之

舊傳人物

陶菊隱德祐末散財集義勇以拒元宋亡教子弟以隱

與趙孟僩殷澄稱秀州三義四世孫鉦正統七年出

粟二千賑饑鉦子澤景泰七年亦賑粟五百菊隱後

有吳萬六亦不仕元以名德重於時孫秉新洪武初

以人才徵元孫宗有高隱風

陶菊隱舊傳人物
吳萬六舊傳隱逸

元

樂善字爲之武穆裔避諱易姓爲江浙行中書省架閣

庫管勾居喪過哀嘔血卒

潘應定博覽典籍母喪廬墓哀號無間有白鶴來翔黃
桂素花之異又戚敬秉肅母沒亦廬墓過哀白芝五
本生廬下像母莫能肖母爲見夢於工僞吳兵躡秀
集子弟保其里有司論功謝不受賞徐一夔爲之傳
戴光遠父暘谷創義塾於白牛鎮光遠因作殿舍生員
百五十人贍以田五百畝又吳森君茂捐田二頃建
塾孫宣苗兵壓境將屠邑獨叩軍門請貸帥壯其義
釋不屠著子午流注論子弘道傳其術

俞庸字子中平江路推官賑饑全活數萬淮兵至庸守
盤門寮高安等諷庸去庸曰公等以世臣守城一旦

先民遜不顧義與恩邪安擊庸仆地遂開門被執計
脫歸淞憤病卒又黃中玉江山尉至正丁酉叅謀紹
興行臺守衢婺城陷一家十三人皆死

俞庸黃中玉
舊傳人物

顧德玉字潤之其師寧國教授俞長孺老無子寢疾德
玉侍藥克勤醫爲感動弗受謝後病革歸德玉沒斂
於家衰經就位爲德玉來弔者答拜葬海鹽時祀惟
謹或疑斂師於家之禮曰吾聞師哭諸寢又云生於
我乎館死於我乎殯非家斂之將草莽是委非心也
曰師無服而衰經近於微矣曰疑衰加麻之經帶禮
也故曰二三子經而出至葬除之

姚福一至正間傾家財輸築羅城妻鄔亦領筐以佐急

公

明

殷原善兄近仁洪武初舉孝弟歷廣西叅政與妻同卒

於官原善姁噢遺孤四十不娶或諷之曰使吾娶而

不賢則諸孤何恃哉及長各為昏嫁

楊任至孝嗜學洪武間舉人才知袁州靖難師起引疾

歸壬午事定黃子澄至任家事泄俱死時有袁杞山

亦謀匡復事敗至吳江自沉河吳貴三出之破家相

容得免又蔣競維敬建文初舉人才授文淵閣侍書

亦從師太常高遜志遜永嘉雁蕩山太常沒葬之

楊任

舊傳人物袁杞山蔣兢姚瑄
李進並采野獲編詩話增

姚瑄洪武丁卯鄉舉革除中為御史靖難師入死之

李進字孟昭通五經尤深春秋善古文工書永樂初司

府學訓母喪哭眇一目有西園先生集

包珪父愉永樂初詔以富戶實京師愉在籍珪請代父

行幼弟珏泣請益固兄弟爭赴焉時有凌某父典稅

被誣逮繫上書得釋

嚴震洪武時醫人割股以愈父疾又章傳普割股療母

未效焚香籲天剖胸割肝和粥進之頓愈又有章普

音筆工顧昌鑷工事並類

章傳普普音顧昌並采圖記增

王昇正統壬戌出粟六百賑饑子葵景泰乙亥出粟千

六百以賑丙子出穀五百成化丙戌出五百斛

許章字廷冕父潤孝友純至李西涯為之傳章天順甲

申進士主政兵部歸築室藕溪引泉蒔卉板輿奉母

居喪過毀卒章同年進士姚俊用章主刑部執法詳

平僉事廣東平蠻寇以父喪過哀卒

許潤采鄒志補姚俊采徵獻錄

陳源父遺盡讓兄弟成化壬辰以粥食饑者

岳商兄夏子姓十餘商惟二子田宅臧獲受惡與老孫

元聲兄弟並顯名聞人彬力學行義後母弟教養之

更讓以產洪梁孝於大母及母析產授室於族弟爲
昏其子表弟某以誑悞遣戍爲代控得免子烝知陳
州戒以母失入以善政聞

聞人昇肇慶經歷同郡有解軍道病迎致之卒殯於館
歸其喪又劉用章有諸生貧迫將自溺止而周之次

年獲舉卽尙書吳鵬也

聞人昇劉用章采徵獻錄

常繼瓚親沒廬墓三年友胡皓一家患疫旦暮問遺獲
愈錢丙寄金客燕死召其孥還之

費有本舌耕奉諸母視庶弟有恩舅窶老還其奩產壯
歲喪偶不更娶

嘉興府志 卷之四
張瑤弘治甲子鄉舉妻以疾不悅於姑瑤順親意歸其

家以無他過終不更娶

采邑志

周之仁幼孤追真肖父事之如存母沒負土成墳著翼

朱翼蔡

朱賢父鳳教授邵武除淫祠賢嘉靖需貢同儕有貧老

者數使先於己戶部郎蕭某嘗從受學讞獄至浙有

大姓坐法行金數百乞賢求末減力却之子建侯隆

慶中教諭母病席藁床下聞聲卽起

朱賢采徵
獻錄增

高林字宇培膠州守文登子萬曆戊子饑出粟以賑母

及大母相繼沒過哀忌日力疾起奠一慟而絕弟枝

樂善方嚴無孤姪之恩義交至故子翼光著易說易辨

樂善方嚴撫孤姪恩義交至枝子翼光著易說易辨

衍河洛之數父沒廬墓八年卒

高翼光采郡記

屠弘胤字琴山壬午鄉舉母老日稱說書史以娛悅之

喪過哀卒又屠安道子高善言名理與楊園先生講

學安世子威與楊園同遊叢山門

屠安道安世采見聞錄增

戴華父沒常自茹痛以歡顏承母炊煙屢斷必慈旨甘

俞振紀母沒甫十三負土成墳慈烏來巢人稱孝烏

塚 褚元卿父沒廬墓三年 姜非熊與兄方泰寢

食必借兄終感疾卒

戴華俞振紀姜非熊增

羅斗章字仲吳天啟辛酉鄉舉歷宰衡陽考最卽歸割

嘉興府志 卷之四 三十一
股療母悉以先疇讓孤姪又孫成憲成友許錫璋錫
珍及錫贊婦沈徐廷臣吳槐張應椿楊時雍姜之裔
許聯登皆割股者李應魁割肱廬母墓芝草生焉

王天民字仲修子肯字千一兩世割股里人名其堂曰
永錫肯庠生有介立堂文選焚餘集稿學使金額獎
杜蘅字芳洲事後母及兄稱孝友子嗜孝行如父孫臻
江臯幼喪父擗踊如成人能詩文崇禎間屢賑歲饑子
溥鄉舉海澄令次法孫楫權並知名

姚某字光虞祖豐南室夜有光作雞喙喙聲鄰父言地
有藏盍發之祝神曰余不敢徼非望之福願後母復

見遂止父守南貧而好義光虞有姨矢節族郇欲奪
而嫁之爲養於家三十年妻亦事之如姑後其族感
而迎歸焉 高遠孝友能文辭又沈希冲曹大田並
敦善行

沈恩孝於嗣親妻喪不娶吳輔明平糶賑饑設義塾項
肇昌蠲產周族盛泰交之賑旱沈元昌之讓財倪存
德負米賑饑王文憲推財弟昆錢可大完鬻子與棄
婚救逋繲及溺子張漁事後母孝贖莊聖妻莊聖鬻
妻以供親藥徐瑞鶴買妾知鬻妻者還之

呂嘉祐吳賓素朱治恒皆好義崇禎乙亥議嵌田直指

主善邑一紳附之郡人噪焉直指索噪者司李以三

生解院有張翊者爲營救得不死又葉森好義乙酉

徽將黃伯修縱兵暴掠森以義責之被害又張翊王

鯤張次柳高穎琦單士相吳勵並乙酉之亂俟命以

死翊一門死者二十七人鄰秦如泉等斂之亦從殉

穎琦妻徐赴井死僕周龍不去亦遇害士相妻張及

勵妻張並死於水戴鉉守殯不去兵義釋之

並增

沈景哲仲弟偶失母歡爲長跪請退自擣母悅乃已又

捐產與從弟之貧者徐弘本庚戌澇身貿蓑妻賈櫛

得米以食父母已食糠粃弗令親知

童吉士乙酉吳生託以金器吉士避寇負被累一器

章吉士乙酉吳生託以金器吉士避寇恒負破絮一器
疾革友屠來寧借吳往吉士亟指牀頭絮屠曰必寄
物矣歸吳乃卒屠爲治喪葬其親昏嫁子女

王士達醫人好施櫛及蚊幘緼袍又金龍山圻者里項

氏遭鬱攸爲募人遷櫬之陷火者

沈景哲徐弘本已下並采見聞錄增

黃承蒼父正色閩臬蒼友胡振芳令蘄水全家罹寇害
蒼聞設位哭半歲胡獨脫歸留館終其身沒鬻田殯
葬之子齊賢常典資完人之仇僑每憾風木七十生
日作思親賦著孝史類編廣刑戒詩臆

國朝

沈士先剗股療母又有王燦姚潢戴長涑姚詢岳

孫鍾琦崇禎丁丑乙榜盜夜至衛父傷臂

黃季瀚父誤稅代受司責剗失聲呼生員知爲父釋之
鄉舉卒於滑令弟士俊送死盡其力

屠肅父昌世老而好學肅幼孝於母戊子鄉舉父沒字
異母弟妹之穉者弟愷姪先庚子徵吉並知名又曹
洪然壬子鄉舉論長興還宗人產婚族鄙殞其舅

薛珩言行以禮楊園先生亟稱之其精於醫

金昭鑑 國初條均田役清漕弊與褚廷璘屠延禧請
行官收法兄殿鼎亦首陳白糧民運之累

朱永年分財讓而受惡婚孤姪復授之產壯歲喪妻不
更娶教弟子以立誠不冠不晏見卒從祀祖文公祠
弟子曹繼章操行亦如師事母養志草窻夜語每陳
說古今以娛悅之孤姪方期育猶子學主不欺待人
以恕兄媚臨安司訓最知名

張德型少孤克自淬礪士林語曰張君學行完瑜澈鏡
竭力慈旨甘毋疾刲肱喪過哀廬墓疾卒

陸濤常以束脩助葬殯舅及姪養其孤娶友孫息爲婢
贖而嫁之子之謨昆弟無私財喪不用浮屠及樂喪
鄭珣善說詩假賈者遇掠又貸賣藥者知其藉以養母

並贖之。又倪我端學邃於詩，外舅以其貧，詒田六十畝。舅沒，歸之。又婚族之不能婚，殯弟子之死無歸者。沈璜，父孝明，季平，糴以賑璜，葺學繕城，施藥拚幣，有司嘗采其均田平賦議。子三瀛，選淳，遵淞，遐皆能文。遐及孫日英，尤嗜學。又吳光漢，貧能厚葬，嘗厝母弟婚。諸姪從弟煥，五歲哭父如成人，請立節母坊，復設義塾。子廷弼，亦孝于繼母。

姚元微，以居室讓弟，目錄言行以點檢馬義禎，亦讓產。異母弟徐之玠，讓產於季，婚嫁其孤。王人吉，婚嫁其孤。甥子用中，用章，亦好義。盛朝宗，出叔於獄，沒爲殯。

且嫁其孤子嗣熙亦稱孝陳家慶嘗婚無室者葬其師與友朱允昌子本徽皆孝友且婚葬其族人

朱昌來善事父及後母養生送死不諉昆姪葬叔父讓姪以產朱廷輔亦稱孝友能周人急並舉賓飲

高百揆守備汪右征黔著績事母能色養

翟堯佐少孝友爲單令除羨稅庫疏董家口水患修廢堤開涵洞號翟公堤葺城治河新宓子巫馬子祠修橫舍設義學平倉量均徭役歸王廣文殯復周尉官盛朝棊州同知其父赴公車溺死棊慟哭幾殞撫弟妹成立且好施濟族壯遊京師聲名藉盛著蒼亭詩集

徐朱直朱氏子呱泣時嗣於徐剖股療母及葬族以直

嗣毋側室本無子溝其兆於墓道東直哀籲不克夜

投五龍橋下久不死舟過輓出之詢乳媪始知朱出

得本生骸滴血試之驗遂遷葬除副指揮以法繩豪

橫者大憝匿於勢破柱出之爲徐氏請封著青門集

胡鼎錡事母盡孝讓宅從兄葬族十餘喪重然諾敦任

恤能赴人急人以多之又胡守仁亦孝後母父嘗收

卹族姪與中表父沒並授以田宅買婢知良家歸之

蔣澄八歲侍父至松陵盜入舟澄匿舵側盜擠父將入

水澄躍出大呼盜驚詫舍去譚有陟隨父白門歸父

沒舟未具歛至泔墅關懼詰阻乃佯病抱尸寢數時
抵家亦卒吳弘昇金班並能文吳慟母沒卽日殞金
以侍疾勞傷卒汪日乾母沒晨夕哭甫百日殞鄉舉
高式玉亦以毀沒於喪馬璉母病日涕泣瘳而璉矇
項肇昌孝友有廉節字弟妹與姪之幼穉者尤不苟於
財自顏其居曰寶廉貸人貧者輒還其券子嘉祚丁
巳鄉舉康熙初嘗倡議平糴復出粟賑粥施藥施櫬
二子同榜鄉舉維貞江浦令維聰江都令
徐耿震父喪絕而甦鄉舉卜雲從善事後母並能文
江士琇母喪鄰居失火伏棺願與俱焚俄迴風返火

嘉興府志 卷之十四 四三
沈元錕嘗鬻產以婚族之不能婚者施粥復斂道殣

沈璇善事父母歲子丑荐饑賑以糜沈鳴陽家貧好施
沈開泰敦睦族黨有古人風子以棡舒城令

張然字陶菴父璉字南垣高雅曠達工詩畫海內名流
俱樂與交康熙己巳特召供奉 內廷三十餘載恩

寵甚渥賜 宸翰聯額子元煒次子淑能繼其業

賀聖銘性孝友古道自處邑令慕其齒德舉鄉飲賓

沈棟敦行睦族里稱醇厚包鉅沈棐有義行張年亦以

孝稱

文苑

漢

莊忌史稱嚴客游梁與鄒枚並見尊重子助舉賢良擢
中大夫閩越圍東甌田蚡謂無煩中國往救助詰蚡
乃遣助發兵救之閩越擊南越帝爲發兵淮南王安
上書諫使助諭淮南拜會稽太守入留侍中淮南王
來朝厚遺助及反事與助連棄市

朱買臣字翁子家貧樵賣以給食年五十爲計吏卒將
重車至長安上書不報糧乏吏卒更乞之會邑子嚴
助貴幸薦買臣召見說春秋楚詞拜中大夫與助俱

侍中時方築朔方公孫弘諫以爲罷敞中國使買臣
難絀弘東越數反覆買臣言發兵浮海可破滅拜會
稽太守將兵擊東越有功入歷丞相長史怨御史大
夫張湯告湯陰事湯自殺帝亦誅買臣

唐

徐岱字處仁好學辯難莫能詘大曆中轉運使劉晏薦
授校書郎歷給事修撰謹慎不言人過婚嫁甥姪之
孤遺者

朱巨川字德源善事母二十以詩經擢第劉晏獨孤及
等薦歷補闕供奉中書舍人制書詔策褒卹温厚繁

簡有體

殷堯藩元和進士宰長樂著治績擢侍御有詩一卷

宋

謝炎字化南文與盧積齊名時稱盧謝端拱初進士歷宰華容公安有集廿卷

呂渭老字聖求宣和末釋褐有詞二卷錢諷正初謨附韻類事又郭晦如晦咸淳十年進士至元中與郡人

徐碩修嘉禾志

郭晦徐碩采嘉禾志增

呂重庚字申伯博學能文端平二年進士歷大理正著九山集徐聞詩子言八歲通九經紹定二年童科擢

第歷惠州守

徐聞詩采
嘉禾志增

元

黃玠字伯成文潔曾孫父正孫徙魏塘玠平生慕郭有

道與叔度淵明之風詩冲澹巨曠後家弁山著弁山

小隱吟錄知非藁

衛培字寧深文節涇曾孫端恪通經明於典故延祐七

年充貢時稱月山先生著過耳集十卷

陳堯道博學通經與楊廉夫顧仲瑛相酬倡有竹林集

子約博文綱簡文繹思文緝熙文自相師友並能詩

善言名理約尤貫穿百氏洪武中應聘歷江西布政

著一默居士集

張翼字翔南博學好古至正乙巳鄉薦吳元年徵入禮

局告歸有梓宇集又卓成大其先聞人自大父徙甌

川成大純孝能文

卓成大采徐
大章記增

劉堪元末隱居以易授徒能文善隸著芝林集又黃魯

德亦耆儒著武塘十詠

黃魯德采
弘治志增

明

郭秉心字公葵以善詩見推徐一夔唐肅時有王鏞洪

武庚戌鄉舉與弟鈞及邑人聞人麟彥昭葉廣居居

仲及郁遵金綱潘著劉堪吳鎮張翼朱克恭與四方

避地者陳秀民庶子卓成大器之孫作大雅顧德輝

仲瑛徐一夔大章江漢朝宗姚桐壽樂年高遜志士

敏牛諒士良丘民克莊陳世昌彥博周棐致堯唐肅

處敬日相倡酬

郭秉心采唐肅詩增
王鏞已下並采詩話

馮伯初字正始洪武初府同知時金慎子肅貢選典史

並善詩

馮伯初金慎
並采詩話

姚粵字文政永樂中貢司訓武康著七香居士藁一時

善詩者朱琳玉林姚黼廷章黼有可閒集陳顥漢昭

有竹鄰集周德行號農圃居士後懷悅用和輯士林

詩十卷姚翼廷輔有桂巖集陳廷齡昌年景泰中郡

象有玉崖子集又賀麟文徵朱琳已下八

掾有玉崖子集又賀麟文徵朱琳已下八人並采詩話

包鼎字汝和池州鼎弟也礪山令與項襄毅忠金叅議

禮梅僉事江戴僉事祐姜漳州諒伍武岡方及湯通

判彥和陳教授蒙福為耆英會彙詩文為一集包鼎采詩話

徐文和嘉靖丁酉鄉舉判揚州明皇極經世之學有殫

湖詩藁徐文和采徵獻錄

彭輅字子殷嘉靖丁未進士歷南刑主事與范大理言

並以古文名家有比部集

沈堯中字心唐萬曆庚辰進士令南陵歷南比部郎清

恬無所競左遷開州歸著古本大學集注春秋集傳

古本叅同契解籌邊七畧嘗輯郡志十年三改藁又

前正德初邑人鄒衡作志補以續柳琰志舊稱嘉禾

名志者徐碩至元志曾春林光弘治志及衡並傳焉

鄒衡曾春采
志補自序增

范應賓字光父壬辰進士官主事以經術名於時

陳萬言字居一父繼徵丁未進士令益都有勞績萬言

性孝友癸卯領浙解著文在堂鉞圍謙九堂諸集時

宋鳳翔羽皇壬子順天鄉薦第一論文章制舉家宗

之馮元鑑鑑之能詩庚子鄉舉歷學職遷涪州守賦

詩辭歸時孝廉戴灝亦高雅搽書與鑑齊名

項良枋字幼輿戊子鄉舉歷上高令著幽湖居士詩草

永和敖陽芝水三集又鄭士奇字平子充戊子鄉貢

令興國有松窓老人藁薛文炳有孚有調疴集沈木

子高有近竹集陳泰交同情有齋志先生集尚書注

考三史左筆前星鑑苑七國人物志項良枋鄭士奇采徵獻錄薛文

炳沈木陳泰交並采詩話增

陳懋仁字無功叅軍泉州為泉南雜志歸著年號韻編

為類二十餘其注任彥昇文章緣起及續文章緣起

尤見稱於時子蓋謨字獻可亂後棄諸生精考聲韻

嘉興府志 卷之四
占候之術以心巧濟成法著皇極圖韻諸書

屠中孚母夢朱蛇而生每下帷植禾麥於庭稔而後出

撫孤姪卹貧交及施藥揜骼邑令湯齊嘗延中孚及

陳邦俊輯邑乘未卒業子用明成之著重暉堂聯合

軒醉夢齋鄰虛閣愚菑館五集諸經解及嘉興文獻

志陳邦俊著明代異人傳子詩教能詩

鍾代英客榆林帥杜文煥幕手斬名酋進千夫長著四

壁堂藁質硯草子役草

屠中孚陳邦俊鍾代英並采郡記增

孫弘祖簡肅孫常穴牆傳食懸梁跪誦有芙蓉館集

徐弘澤字潤卿處士以剗股稱孝善詩及書繪著竹浪

齋集懷淨土詩號春門三絕子柏齡庚午鄉舉諭永
嘉三乘九籥靡不究後師黃石齋乃反約焉孫燦心
亦精藝事

館

莊嚴字銘五司訓山陰遷靖州學正所至繩以矩獲有
山陰倡和集子日思六歲喪母哀如成人著白苧草
唐堯夫父文選嘗白兄寃有司爲平反親沒廬墓有叢
桂軒半空閣草堯夫嗜理學司訓臨江弟堯岳善文
辭有剝廬集白苧吟堯岳子珏亦知名

嚴錫命字九華學博著天然子集子觀勳臨伯仲尤知
名又李貞開歷太平令著北征涉江諸藁陸志忠行

人却朝鮮饋著詩辨訛他山錄

李貞開采詩語

姚澣有淳行廣左編集兩漢六代文爲文統有賴古堂集又沈嗣選父文琦博洽知名嗣選能強記輯南宋文鑑一百卷著尙書沈氏傳娛儉堂集

朱治憫字子暇父萬國訓導有義行憫辛酉鄉舉宣勞戎務卒殞天南又李自明先脩司訓揚州城破縊學宮有謫仙居藁子麟友求父骨不得棄諸生能詩

顧猷字若昔有桃花里集張志遠叔明有竹嶼吟藁沈章宗玉有苧莊集並有隱操又徐淮愛竹有愛竹軒詩沈文輝履享有瓜田遺藁顧玘徵文玉有讀書臺

集駱雲程天遊有廣禽言錢熙漱廣有思存集沈起
仲方有學園錄續集後與丁元公原躬並為浮屠戴
長汎澄齋有前後征草又繆思伋孟思范風仁梅隱
褚連時青還朱復滄六蔣人昭遺杜潛晚實錢應金
爾介思伋鬻室葬親連時亦敦義行

王翊字介人陳子龍盛稱其詩有秋槐堂集同里蔣之

翹楚穉輯樵李詩乘四十卷屠廷楫爾濟有鹿干草

堂集朱洽欄李自明及張志遠
已下十七人並采詩話增

陳恪字子肅善事母與兄恂齊名兵後隱居著癯菴詩

草子與權蒿荃並有文行陳恪采
詩話

李肇亨字會嘉研書史工詩與畫子新枝壬午鄉舉琪
枝有隱行孫含淑含澤含漢含澁自父太僕五世已
來並以能詩繪聞於時

褚廷瑄字研耘丙子鄉舉甲申後不與計偕杜門作草
書自給時有何其仁任知州歸甘居貧約禾中以褚
草何蘭爲二絕廷瑄姪蔚綸亦知名

國朝

徐善字敬可痛父世淳死難棄科舉不治從學施博精
求致知踐履晚作易論及徐氏四易一天易闡圖書
也二義易叙八卦也三商易辨十辟也四周易明四

正八交之旨也又爲春秋地名考家傳藟谷集流寇
紀年莊子注周髀密法會通弧矢六宗疏容圓寶絲
網璇室洞詮子觀能詩羣從發亦精象數著天元曆
理清類亭文引

蔣薰明丙子鄉舉諭縉雲能詩許宗渾壬辰進士司李
松江爲革漕弊有敬直堂草馬呈翼著禾郡圖說子
上巘學能繼志孫壽穀壬戌進士令武昌有詩集袁
祿甲午備榜司訓青田有綺里居集羅開麟司訓烏
程善文辭

周篋字青士嘗代贖戴氏女嫁之有估寄千金後客死

箕還其子著采山堂集詞緯又繆泳初名永謀有苻谿詩集又王沆千明褚標霞建皆箕里人與王翊箕及朱彝尊彝鑒李麟友蘭谿范路海寧朱一是相倡和箕弟篁林於有鷗塘集彝鑒有笏在堂藁

沈進字山子與同里朱彝尊周箕倡和人稱朱沈亦稱周沈嘗賦梅花高館落春草斷垣生句時號沈斷垣生平慎取友同學故人位通顯者遺以尺書竟勿報晚號知退叟所居藍村力圃破屋三楹讀彝尊稱其有所不爲合乎狷者之行著文言會粹行國錄藍村詩文集半巢居集力圃蕭閒詞諸藁從兄道亦並知

名

曹穎濂字濂生績學授經高第著錄者百人尤敦孝友
嘗竭束脩入以贍寡姊終老愛敬不少衰

李良年字武曾以宏辭薦著秋錦山房集兄繩遠弟符
言詩者稱三李

沈騏字鸞山有懿行與程定鼎扶野尹延英樹百以文
相友善又陳堯勳明易徐之福敏文辭皆與呂用晦
友徐無爲蔣研與屠廷楫周箕詩詞相倡和徐無能
于東暹並長樂府又曹三秀吳人寶顧清並能詩姚
佺葉紹泰應元美沈廷彥錢浦皆耆儒

高佑鈿字念祖父承挺嘗輯自靖錄紀死難諸臣佑鈿
續成之博聞強記尤諳隆萬已來舊事著懷寓堂詩
弟佑鈞及孝成孝治孝典佑鈿子洪謨並能文稱孝
友

書

盛遠字鶴江善詩工書嘗客芝陽守黃家遴幕及黃守
禾郡未嘗干以私舉高士無後者自林逋及師沈騷
並祀之自題詩於生壙及卒郡人沈時述耆儒遺行
請學使者旌而祀焉曰金鼎聞人奎耀狄士斌王家
棟沈琰宗淇施烈陳毅周琅宗瑞麟闕韋張五辰及
遠繼遠詩名者有張劭

郁之潤字霖汝乙卯鄉舉以母老不會試著靜惕堂集
又陸廷謨孝友能詩嘗編竹林詩社集

虞兆滢字虹升甲子順天備榜嘗病班史義例不合爲
校定前漢書五十四卷以篡入嬴政及建武事黜二
少帝而紀呂后書孺子主祭歲於莽傳其表志不合
義例者悉正之著軒渠集天香樓偶得

盛楓字黼宸辛酉鄉舉爲安吉學正設科勵士嘗集明
代遺獻爲嘉禾徵獻錄百卷著安吉耳聞錄觀瀾錄
墨屑文集楓嘗師舅朱葵尊故學有本

鄭春字玉書七歲能文著學庸要旨毛詩釋義彙雅遊

草紀遊諸書嘗葬從叔昆弟數人養甥之孤遺者又
儲福海屠旭吳元洲張弘棫並以詩文知名張鳳翼
孫昭亦並能文

懷淵中字容江少孤績學乙未選庶常陞編修同時金
朝棟宁華與淵中文義相磨切好詞賦並蚤卒

許雲龍少能文棄學武庚辰進士選侍衛奏對詩詞每
稱旨出歷叅將撫恤兵民多惠政

隱逸

晉

韓績字與齊廣陵人其先避亂居嘉興父建吳大鴻臚績少好文學以潛退爲操布衣蔬食不交當世東土並宗敬焉司徒王導辟爲掾不就咸康末會稽內史孔愉薦之召拜博士稱病不起

宋

顧謙字自修舉明經三禮二科令宗城尋棄官歸隱

元

姚清爲路書佐以直道不容於時隱居濮谿耕釣終焉

著樂章一卷

吳瑱字元璋從毘陵柳天驥講天人性命之學弟鎮字仲圭號梅花道人亦深於易以卜肆自隱常作詩自題其畫贈貧士使取直焉鎮題其生壙曰梅花和尚之墓及卒完者之亂發陵墓殆盡以其爲僧龕獨免人始識其知幾

明

沈啓隆字昌甫父某吳興人元末棄妻子遊五湖號曰漁隱啓隆徙嘉興構南園以隱

錢鈞字志衡善文辭洪武中以明經授府司訓永樂初

叅議喻良奉命治水與鈞講畫水利後以扁舟放浪
自號小西湖漁者著半隱集

王達字公路永樂鄉貢士除襄陽經歷不之官歸隱授
徒著管窺集雲溪遺藁

李含章字貞齋諭雲夢遷淮藩司教一日讀五柳先生
傳拂衣歸卜築胥山曰春風草堂以隱終

戴晉字康侯少孤讀茶經慕陸羽爲人終身不娶依從
父灝館於項氏窺天籟所藏遂精績事常庵松厂賣
藥爲業人莫知之時有朱扉開仲亦以多病不娶能

詩知醫獨居深邨破甑勞薪手自執爨

戴晉朱扉
並采文集

屠曠字闇伯善事母隱居講學脯脩之入輒以周宗郈
 故常至空匱楊園先生題曠郊居詩云霍原六聘山
 焦先三詔洞漁子定迷津只莫桃花種

書

圖

汪

浙

自號小西隱
 桑榆餘日奉命
 本與陸
 蓋水
 所以歸
 氏效

嘉興府志卷之十四

知嘉興府事閭陽吳永芳纂修

秀水縣人物

明

呂原字逢原宣德壬戌進士父嗣芳兄本皆鄉薦任廣文有馴行原未冠著呂子考郡守黃懋奇其才大加賞異是時太守得自補諸生卽遣原入學舉鄉試第一連雋南宮廷試第二天順年間與修撰岳正俱入閣適有匿名毀朝政者石亨勸上出榜募告捕懸賞原與岳正諫曰爲政有體奸宄應責法司豈有天子

自出榜購募之理上是之原守正謹恪濟以持重尋
丁母憂哀毀逾節未及窆而卒贈禮部侍郎謚文懿
諭祭葬所著有介庵集子憲太常卿孫言都督經歷
曾孫科嘉靖中領鄉薦程穆進士俱有傳

趙智宣德癸丑進士選庶吉士不樂仕進以省親乞歸
智本農家聚族居于白苧鄉之秀水橋鄉之好善務
本者智父之外有徐朱盛三老爲莫逆交建四老堂
以娛其親內閣王直爲之記

施奎字漢章號竹坡正統丁卯舉人任六安州學正有
聲天順己卯典山東試時有鍾吾驛丞亦應舉遺奎

金求中不受遷遼府右長史進對時每引東平王以
相勸王重之荊州故大都姦宄百出王府軍校素不
法奎申嚴號令一郡帖然降南安同知九年乞歸南
安士民乞本郡公移至澗問奎安否牒中連名數百
人稱其持身廉謹蒞政公勤革弊除奸愛民如子乞
示回文述其起居以安百姓卒年六十有八同郡項

忠誌其墓有竹坡稿

金禮字敬之景泰甲戌進士仕至雲南叅議征苦竹箐
冒瘴癘深入病歸家居儉約不事矜飾郡守楊繼宗
雅重之每造廬咨政事

嘉興府志 卷之四 二
梅江宣城梅聖俞之後其先從宋南渡居嘉興江成化
己丑進士授廬江令有政聲擢御史時儲位未定首
疏力請已奉命清戎兩廣寬卹部伍招撫流移遷四
川僉事決疑獄數十事蜀人以梅鏡稱之

施德字克明思賢里人成化辛卯舉人弘治中爲濮州
守洗冤滯賑貧乏陞岳州同知有惠政後移疾歸寓
情詩酒以壽終

呂憲字兼之文懿公原之子中書舍人成化辛卯請應
順天鄉試時有劾之者上曰朕念儒臣子有志科目
特允所請遂中式遷禮部主客司議却琉球歲貢不

許番僧得由漳州海道省經費萬計歷陞太常卿集
累朝故事爲條例上本寺利便十二事皆見施行所
著有九柏集

陸遠字德毅成化乙未進士知海州出行部旋風三匝
馬首遠疑有寃令吏卒邏察之有一人死樹下擔折
貫喉乃土人房姓勒殺買牛商移尸于此密擒之一
訊而服又過大伊鎮有小犢鳴號于前使人踪跡盜
牛者方殺犢母於是訟衰盜息州稱神明擢廣東僉
事

朱綬字文佩成化丁未進士授檢討侍岐王講讀王出

身居
卷之四
三
就府邸奄官專擅綬據例抗疏自是政務悉隸輔臣
遷楚藩左相尋改相晉藩時王年耄世子世孫俱薨
有欲竊柄者幽王曾孫于別宮潛奏權國上下疑莫
能決綬密疏有王曾孫在乃得封先後藩國二十餘
年爲人方正不阿著有四書輔註易經精蘊等篇

戴經字孟常籍嘉興御史祐之子成化丙午舉人歷延
平九江二府推官能執法甘淡泊陞知泰安州致仕
家居杜門著書有潯陽餘稿雙湖集行世秀邑前未
有志自經始

陶照字時明與兄煦同中弘治己酉鄉試庚戌同登進

士照任刑部主事錄囚蘇松地接故鄉多援姻婭交
游照皆執法不聞陞廣東僉事平獠賊時大咨亂陞
四川參議調兵備皆有聲與鎮將不合引疾歸起河
南叅政調劑出納公私兼裕

范璠弘治庚戌進士令德平治行第一內召去任時僅
餘俸二金歷官十五年不克窺窰關中彭監司爲治

兆域

陳諮字汝謀弘治丙辰進士由庶常出爲給事中上言
武備疎畧莫甚今時膏粱濫握統兵鄙懦謬膺推轂
請勅諸司有曉韜畧膂力過人者薦充京營操練分

送邊方上從之有東溪橋集

陶儼字時莊正德甲戌進士合陽信遭流賊焚劫儼請
于上官以羨金蠲逋負民賴全活擢御史風裁凜然
歷仕河南憲副皆有惠政卒之日屬其子置義田贍
族

金鼎字宗器監生由司務陞工部員外正統時從死于
土木之難

諸傅字揚伯正德丁丑進士令黃梅大名俱以循良稱
歷陞閩滇憲副修舉屯政持法廉平居官二十五年
一介不苟宦橐蕭然其子夏甘貧樂道嫺詩文孫錫

博士克傳清白

張徽字德卿正德辛巳進士授大理評事嘉靖時議大禮忤旨廷杖尋復官奉命恤囚雲貴釋殊死以下百餘人擢守南雄多惠政以不能浮沉取容罷免時論惜之

賈名儒號實齋嘉靖丙戌進士官比部抗節持法有考功吏受賕屬名儒訊執法不撓遂出守姚安補汝寧會世宗躬謁顯陵官吏歛民貲以佐供應名儒獨持正陞密雲副使乞休優游林壑四十年

沈謚字靖夫嘉靖己丑進士授行人嘗使代藩餽遺不

受遷給事中星隕應詔陳修省甚切直劾罷自宮男
子二千餘人出爲山東僉事備兵大庾計擒賊首李
文彪募王文成之學于舍傍建祠祀之爲理學翹楚
稱石湖先生子啟原山東副憲

陶謨字宗顯嘉靖壬辰進士由縣令擢御史權鹺山西
商民稱便劾武臣驕縱不法致於理典江西試所舉
皆才士贛州盜起設方畧擒之巡視京營稽尺籍清
佔役丞大理多所平反以侍養終于家

沈鑿字大新嘉靖乙未進士初授興化推官攝莆田邑
篆堅築石堤絕海濤之險權稅蕪湖令商自籍其稅

胥吏不能爲奸脩兵饒州計擒劇盜卒于官

范之箴字從敬嘉靖乙未進士由行人歷遷知永州府
時土賊內訌官軍屢潰箴授方畧賊就擒脩兵潘某
羅織無辜上其名將就戮箴寃之給潘曰跳梁者律
無貸但人言洶洶不開釋一二恐爲頑梗藉口潘許
之遂盡釋無辜全活數百潘惡其賣已上疏劾箴上
廉察其狀罷潘改箴知海陽父老立祠祀焉仕至雲
南臬司俱有聲望林下復三十餘年

郁蘭字文芳嘉靖甲午舉人屢蹶公車姻家吳太宰鵬
謂蘭曰貂裘敝矣盍及我而選蘭謝不從太宰罷歸

始謁選得績溪令時某甲希執政指論逮胡宗憲郡
守以屬績溪蘭曰司馬亦有功東南奈何欲文致以
甚其罪胡竟得末減已遷南刑部主事尋乞終養

卜大同字吉夫嘉靖戊戌進士授刑部主事慮囚江南
以平恕稱陞湖廣僉事蕪黃間枹鼓數起大同始奉
命往期年盜賊屏息再遷福建輯脩倭圖說畫戰守
計閩賴以安第大有大順見潛山縣志皆進士稱名

宦

浙

周恂懋字季實嘉靖丁未進士令樂平刑清訟簡晉職
方監督大朝門工勞瘁成疾卒之日宦橐蕭然士大

夫捐金助含殮後有龐直指按郡修其墓

吳淞字秀東嘉靖丙午舉人知靖州識苗獠情同編戶
輸稅會山水驟漲民多溺死淞亟懸賞格拯一人者
與十緡又濟筏以置未渡者州人德之佐郡九江時
湖口關值水衝商舶多壞淞曰寧筭錐刀而傷民命
乎請于觀風使者議草之商稱便遷福建運副乞歸
次子熙亮字欽吾天啟時由明經授鉛山令廉靜不
苛擢梧州同知引疾歸弟璿早歿撫愛其子甚摯陸
欽明誌墓稱其孝友出處無間

屠仲律字宗豫屠應峻子嘉靖庚戌進士令弋陽擢南

臺遷廬州守裋躬清約所至有聲時軍興浩費更以
景府之國郡邑騷然仲律一意節省費減他郡十之
五歲大稔民多逋稅出贖緩代償又出積穀數十萬
平糶全活甚衆

湯日新字懋昭嘉靖庚戌進士歷官通政有文名所至
執經問業戶屢常滿

王朴字德純以貢授徐聞令清介自矢邑有珠池課中
官恣溪壑爲民患朴請罷之又草檳榔稅著爲令釋
冤獄賑饑民立社學教民鑿渠漑田民祠祀之

錢同文字大行弱冠舉于鄉講學王文成之門洞悉原

本舉嘉靖癸丑進士宰祁門尋守萊州皆以冰蘖自持後移疾歸簞瓢屢空晏如也

鍾一元字太初嘉靖癸丑進士知福寧州界山海間值倭警預拓外城爲保障後守池州會景府宮眷還闕所至驛騷元力抗內監郡民德之守寧國有惠政轉四川副使以祖母老乞歸

戚元輔以春秋名家嘉靖癸丑進士與弟元弼元佐相切磋元佐亦舉進士家有世經堂

呂穆字宗文以尚書魁兩浙登嘉靖癸丑進士游唐武進門學士爭師之兩爲州守晉工部員外罷歸授徒

講學意所自得指畫傍若無人時人語曰經生嶽嶽

呂公折角

呂程穆從兄同榜進士初選推官不樂親簿書卽棄官歸里授徒講學學者稱爲南川先生

姚弘謨字繼文嘉靖癸丑進士選庶常分校禮闈慈溪袁相國有所不愜欲易之乃引故事爭曰異時詞臣無易卷者袁啣之卒左遷其後一視學兩任司成識拔多聞人仕至天官亞卿以病歸時門下士方宅首揆絕無一書抵政府卒賜祭塋弘謨襁裸時父廣文君卒于官母更適依祖母徐登第後迎母歸養克盡

孝道方之范希文云

盛周字文湖嘉靖癸丑進士由閩令行取入都時分宜柄用子世蕃竊威福司馬趙文華與公俱浙人謂公曰東樓虛臺垣相待君曷過之公笑曰士之所以望登臺垣者上思匡君下思利民耳今先以身乞憐相府異日何以自立竟不往遷南主政出知東昌卒于官

黃鏞字崇文嘉靖丙辰進士初主兵部事尋守安慶秋毫無染擢湖廣副使時有竹筒河之役鏞實董之漢沔獲安尋改貴州上疏乞歸居家以節儉聞子正色

洪憲

張鳳來嘉靖丙辰進士初任刑部日與諸僚講解律例
慮囚江南多所平反守德安當景府之國兼歲饑鳳
來調度得宜治行稱最轉閩臬廣寇林道乾與洞山
諸洋劇賊並起羽檄旁午悉討平之

沈啟原字道卿嘉靖己未進士慷慨好施倭警乏軍興
資毅然捐千金佐之官副使持身廉謹凜然不可奪
家居杜門手一編伊唔至丙夜雖醫藥卜筮之書無
不探討子自邠進士官修撰

王愛字體仁朴子少慕文成之學嘗從唐一菴先生遊

相與印證務求實踐年踰五十登嘉靖己未進士就
校順天以正學訓諸生陞刑部主事尋告歸一室儵
然嘗曰學以自檢檢人則隘學以容人自容則舛人
以爲名言

沈元華字邃伯嘉靖壬戌進士少嗜學登第後屢告休
性喜飲嘗左持觴右執卷快讀至夜分意有所往輒
浮白自得凡天文地理靡不綜究嘗考古今方輿自
唐虞三代以至明朝其形勝阨塞要害皆有圖說仕
至南大理寺

戚元佐字希仲嘉靖壬戌進士有文名羣議館選忽中

嘉靖八年
卷之四
旨傳免授儀部會穆宗登極典禮多所匡贊又論宗藩一疏人方之賈洛陽陞尚寶卿告歸文法秦漢詩宗李杜兼善畫著有青藜集往哲傳

項篤壽字子長籍嘉善嘉靖壬戌進士授刑部主事以母老乞南都陞考功郎時遇京察有周給事姚御史以敢言忤柄臣或欲置下考篤壽堅持不可調職方多所擘畫出爲廣東叅議篤壽學于外父鄭端簡公曉故事博綜古今通達國體著有路紀今獻脩遺奏草雜草

張應治字體徵嘉靖壬戌進士由行人擢南給事彈劾

不避權貴穆宗時疏凡十數上其大者如正宮闈擊
巨璫直聲震于朝尋以忤輔臣意出知九江復軍餉
黃立條鞭緝盜賊會江右流民相携入境應治以便宜
發廩賑之全活甚衆陞山東副使卒祀鄉賢

金榜字文華嘉靖壬午舉人知寧都邑大旱疫虎白晝
食人榜禱于境內諸山澍雨立至病者起虎亦遯去
有豪家隱糧慮榜清丈遂賄構調榜連城乞歸

葉朝陽字文榮嘉靖乙丑進士清謹若書生遇事執法
雖豪貴勿能奪初知信陽州均田賦豪民不得相冒
爲奸晉虞部郎司鑄錢中貴人索利弗予出治鐵冶

歲有羨金毫無染指陞知常德府盜張金等嘯聚洞庭以計殲其渠魁餘黨悉散

鍾庚陽字長卿隆慶戊辰進士授太平府推官剪鋤豪惡平反冤獄定當塗踐更之法條安慶府便宜事民賴之遷大理評事歷陞鎮江知府所在皆以廉謹聞

金忤張居正罷官江陵敗復官陞刑部郎所著有書傳經意焚餘子明鶴光祿署丞明麟貢士

黃正色字貞所萬歷丁丑進士歷官御史有風裁陞漳南道卒祀鄉賢子承乾字履謙萬曆癸丑進士鳳陽司理剪除土豪三掣淮鹽却例金數千商人祠祀之

晉兵科

黃洪憲字懋忠隆慶丁卯鄉試第一辛未進士第二仕
至詹事侍讀學士嘗使朝鮮歸裝惟圖書數卷其國
立却金亭主試分校所得士皆知名張江陵欲屬其
子憲不可廷責之弗爲動著有皇名文憲朝鮮志學
易詳說學詩多識諸書子承玄承昊

馮夢楨字具區盛文名萬曆丁丑南宮第一與沈懋學
張嗣修同榜張江陵奪情夢楨邀沈詣嗣修諷以不
可忤之病免里居數載稽討典籍手不釋卷好獎引
後學凡以莛文質者片語有合輒推許恐後江陵敗

召還史館仍與時不合遷南少司成拔朱宗伯之蕃
顧少宰起元陞大司成解組歸四方求文者泚筆輒
應得失升沉毫不繫懷晚年自號真實居士著快雪
堂集傳世

姚思仁號羅浮萬曆癸未進士以御史視鹺長蘆按山
東河南歷著政聲歷任至應天府尹剔蠹蘇困德威
並著陞工部侍郎時門殿山陵並舉將作為闡監叢
窟思仁稽冒汰冗與中使左遂乞休卒年九十一著
有律例解子以亮貴州都勻知府

盛萬年字若華東昌太守周之孫萬曆癸未進士由刑

部主事歷任藩臬嘗視刑廣右有盜珠囚六十餘人未入池被獲直指狗中涓意論辟年力請釋之倭寇雷州兩臺廉其才屬以兵時萬年駐高州以高雷相距六百里兵由陸行賊必知脩若浮海出不意可成擒卽召叅戎郭酉科等授方畧乘艦抵雷賊見駭愕不三日而殄後改江右廉訪歸子士元中書舍人亦能文曾孫子鄴太學生民譽進士桂陽令

朱國祚號養淳萬歷癸未進士廷對第一授修撰時東朝未建錦衣衛鄭國泰希貴妃旨請先冠婚後册立國祚任禮部抗疏七十餘一夕召國祚甚亟至宮門

傳旨冊立倉卒奉諭賴儀註豫定鉅典遂行已因災
異請罷開礦撤稅使司馬石星惑沈惟敬議主欵倭
國祚力爭不聽卒至悞國嘗舉趙世卿救諫官曹學
程王德元皆不使知之尋改吏部侍郎請告家居持
已清介袍帶時在質庫中光宗立與葉向高同晉大
學士熹宗卽位敦趨受事凡用人邊防閣議紛然國
祚片言立決司寇王紀以讞獄觸上怒褫職國祚力
爭不報歎曰去一大臣如小吏事不可爲矣請告積
十三疏歸浹歲卒謚文恪著有介石齋集子大競大
烈大觀大定歷郎中郡守丞大猷舉人大治不仕孫

茂暲進士授宜春令時流寇竊發茂暲條上兵食事宜下撫按行之寇薄境攻殺茂暲收瘞積尸數十陞駕部主事卒後郡守王師夔葬之

包世杰字心弦萬曆壬午舉人任永康教諭俗有溺女錮婢惡習世杰多方勸諭其風稍息守泗州盜殺縉紳左某世杰禱于城隍夢神以蓮花相遺詢其婢名夏蓮者一鞠卽得卒于官

張應宿字經野萬曆壬午孝廉授欽州守欽在嶺南峒夸屢叛築城備禦寇至身自登陴與士卒同甘苦州賴以完因條陳各款上撫按請援時郡丞涂某冒功

陞本守惡聞盜警中以虛張甫罷歸而寇至城陷旨
指李應魁劾涂置于理事載兩朝實錄著有守欽蠡
見樗里子集祀名宦鄉賢

項德楨號元池萬曆丙戌進士攻尚書稱名家歷任中
外皆著勛績在易水時倭勢逼三韓撰禦倭議及脩
兵薊州倭長小西飛自山海關入議封貢德楨力言
其詐始遣邢司馬一意主勦師興七年功成獻俘不
出其料後在薊北定石門之變全活甚衆蜀兵呼庚
脫巾片言消之著有寧攘編等書行世所選文衡文
紀尤膾炙人口

黃承玄字履常萬曆丙戌進士由水部郎歷官應天府
尹均賦鋤強部民建祠尸祝擢福建巡撫單車就道
庫有羨餘千金吏籍以進峻却弗納時瀕海諸郡倭
寇交警屢擊勝之丁內艱歸尋卒賜祭塋所著有盟
鷗堂集北河紀畧河漕通考等書弟承昊字履素萬
曆丙辰進士仕至按察司有平寇功著折股漫錄樂
白軒等書承玄子申錫恩廕卯錫副榜有隱德祀鄉
賢孫濤壬午解元

陳懿典字孟常號如崗萬曆壬辰進士歷官翰林神宗
時皇儲未建中貴橫行群議三王並封懿典屢疏切

諫言太子一日未定人心一日不安祖制從無元子
並封之例語侵官僚更引歐陽公五代史爲鑒又論
宰閣諸臣依違遷就無匡救輔弼之策朝論韙之會
試分校所得士俱以文章節義聞于時册封魯藩餽
遺悉却以疾假歸輔臣葉向高薦言懿典抱賈董之
學負經世之才速宜大用詔補掌院學士辭不就熹
宗卽位上聖政聖學二書且言宦官與政宰執樹黨
爲禍晁烈諸黨人啣之璫敗晉詹事爲人清介于書
無所不窺嘗知誥勅纂修實錄高文典訓競相傳誦
家居三十年杜門著述撰次同姓諸王列傳聖學聖

政二編論孟貫義就李往哲論傳陳學士集吏隱齋
集左陞紀畧外制視草諸書至今膾炙人口

陳德元字葆初萬曆戊戌進士筮仕濟南司李詳慎刑
章多所平反擢禮部郎會代藩謀奪嫡輦金長安部
議兩可德元力持大義引經據案卒明長幼之倫以
定册立藩臬齊楚設法賑饑所至皆稱廉敏泰昌初
巡撫粵西以積勞成疾卒予塋祭子孟龍負文望

陶朗先字元暉萬曆丁未進士由部曹出守登州郡濱
海值歲大稜朗先開海運輓粟以賑妖人胡從魁挾
饑民作亂立撲滅之創書院置軍田募民開島田七

千餘畝旋脩兵登萊泛海島酌運道省饋遼費五十
餘萬青郡兵譁劫郡守爲變撫軍屬朗先定之晉登
萊巡撫以守登時運餘米充餉募兵得三萬人討平
兗西白蓮妖賊人倚爲長城以時事不可爲再疏乞
歸忌者指兵餉爲賊被逮魏璫令誣扳楊左諸人刑
脅不食死子學瞻字原眉博學工書舉孝廉詣闕白
父寃屏跡公車自號退菴次學易字晋天庠生負異
才時有司酷追坐賍學易年未弱冠語兄曰兄留報
父寃吾將以身殉此案矣遂赴獄壬午出棘慷慨歌
江中微醉墮水死

朱大啓字君輿號廣原萬曆庚戌進士南昌司理陞吏部主事時吏垣與銓司比昵枉法大啓力持不可乞假歸里居五載起用文選時逆闖魏忠賢謀遣六璫分鎮冢宰王永光率九卿公疏大啓屬草幾陷不測會賜葬仲父文恪公遂假例引歸後擢太常歷陞刑部侍郎尚書馮英被逮大啓力救山西督學袁紀咸公正有名御史張孫振誣奏逮獄大啓雪其寃三遇熟審全活無筭請推其例于各省著爲令尋請告歸卒贈刑部尚書予祭葬有曼寄軒集行世子茂時貴陽守以廉敏聞茂昭察院照磨

沈振龍號翼乾萬曆癸丑進士賦性慈祥才情通達任
泉州司李斷獄稱神守淮安剪除妖黨招集流亡萬
戶守贛州閩寇適發虔撫議徵兵焚郭外民居閉城
堅守振龍不可就所立里甲勒部伍申斥嫠寇聞有
備不敢至時避難者雲集軍士輒縛上幕府指爲寇
振龍按驗開釋以此忤上僚意劾歸載贛州志祀名
宦歸里後睦族濟貧倡修郡庠歲大饑餓殍載道捐
賑掩骸不遺餘力復設法平糶以甦民困時_一湖民
多逃亡而禾獨晏然子耀辰赴京疏辨復職祀鄉賢
金麗兼字雙南萬曆丙辰進士授行人與同年魏給事

大中黃御史尊素互相砥礪以清介自持天啓甲子擢銓部邁璫焰先幾假歸著焚香集見志丙寅魏黃被逮麗兼謀納橐饘多方營護尋陞文選除冒濫通淹滯與權要左乞歸以考功郎卒于官

陸康稷字衷涵萬曆己未進士知貴溪縣調廬陵性廉察善決疑獄有富民某毆一乞丐丐舁一屍詣稷駕言毆死稷察非新屍探口中有土嚴訊之乃掘地下屍以誣某者置丐于法邑當編審時已行取爲留三月審定乃謝事民甚德之仕至文選郎中

卜曰謀字子嘉尋甸守大有子萬曆間由明經選授清

流縣令居官廉介斷冤獄緩催科三年邑大治以忤
上官歸兄弟八人皆有異才孫陳彝康熙年進士武

昌令

沈耀辰字君房振龍子天啓丁卯副榜授三水令首除
冒衿趙承勛等四境肅然徵輸立自限法草耗除弊
不半載歲額全完一切供應私稅等陋習悉罷去海
寇掠西南薄城下耀辰拒走之又設法擒獲劇賊郭
嘉禎等盜賊戒不敢犯造士有法修葺學宮擢知廣
州府亦有政績鼎革後隱居終身祀鄉賢
張晉徵字恭錫崇禎甲戌進士知閩縣勤于撫字尋擢

刑曹黃翰林道周晉徵座主抗疏廷杖下詔獄晉徵
曲爲調護無所諱出守建昌時流寇掠袁州益藩率
官吏徙樵川晉徵堅守孤城計擒寇首曾斗墟等居
民獲安陞福建副使歸里杜門慕陶靖節風號菊存
子

張萬壽字來範宋南軒先生十三世孫少卓犖負奇氣
治尚書洞抉奧旨宣城湯賓尹獨稱其文三中副車
以明經選灤州守捐俸以代逋糧不足令家人廢產
繼之免州民戶賦若干緡又設法賑濟全活無筭暇
卽集諸生講課文藝擢守寧州未赴遇變卒以次子

天植貴贈少司馬祀鄉賢所著有尚書心印四書正

宗諸集

夏祖訓字仲有崇禎間歲貢除呈貢令地瘠薄民資水

利為業沐藩庄兵久恣侵奪立法禁之一時豪強懾

伏土酋沙定洲勒兵請加銜不許襲破沐藩沐走楚

雄與定洲相持呈貢為要地祖訓勢孤力盡赴水死

僕陸史二人殉之

邵德昭字明江歲貢生任潮陽令居官六載巡海禦寇

邊境獲安天啓初告歸士民勒碑紀績祀名宦

仲聞韶天啓辛酉舉人授六合令值歲旱力請于上官

移粟賑濟又捐俸築城圭黍不擾于民民感之內擢致仕卒於家

金揚華字孟南天啓時由明經授含山令值流寇仲保犯境揚華以計阻其道悉捕戮之擢兵部主事子惟忠歲薦授廬州通判

戴長治字季修少孤力學侍慈母如嚴父十三與童子試卽冠軍崇禎己卯魁于鄉癸未成進士授程鄉令值流寇臨城親冒矢石捍禦招撫境士卒全論功晉兵垣以親老歸養隱居二十年預知易簣日長子文學樹聲哭其父嘔血三日從死

陸卿胤字階卿歲貢父岳謁選廣信教授卒于京胤奔
喪扶柩歸時同載者十餘柩舟子謀棄之胤厚遺得
俱歸櫬事母郭脩極孝養歷任烏蒙通判值流寇所
至焚掠解餉八千餘里師無匱乏招難民緝巨盜斷
疑獄督撫交薦以病歸子鎮鼎鴻臚寺丞有雲起堂
詩集

項桂芳號楚東襄毅四世孫由明經通判韶州捕盜摧
稅招輯猺獞以清肅聞歸里後日事詩酒與名流相
酬唱所著有歸來草子玉筍字媚雪貢生令景陵稱
循吏

張龍德字萬里應宿子天啓辛酉副榜除和州同知值
歲饑設法賑濟全活萬人江故盜藪歲劫往來船無
筭設伏擒之殲其黨境以寧謚復議江防十二條上
之當路不用解組歸乙酉大兵南下約冢宰徐公石
麒入城死于故金陀里項氏之池亭繼室侯氏投河
死女嫁徐歸養者亦自縊死徐名肇樑侍其父世淳
知隨州同死獻賊之難者也仲子鏞負父尸就殮于
金明僧舍所著有玉樹堂集涌山堂經史約編
張翊字叔韓太學生乙酉城破整巾南面正席危坐兵
至以刃臨之不屈遇害子姪妻媳闔門二十七人俱

身與死
死之

高穎琦字章甫庠生講學授經乙酉被兵慨然曰讀聖賢書所學何事城亡與亡固其所也城陷嬰刃而死繼娶徐氏生三女未笄琦死徐呼三女推墮于井卽赴井死僕周龍不忍去亦遇害

朱茂時字子葵由恩蔭授典簿通判順天時京邊需餉茂時供輸不匱陞工部員外督理張秋河道穿萊蕪七十二泉合洸泗衛水以利轉輸他若置公田以贍貧困設義學以育人材闢城壕以堅保障皆卓卓可紀者出守貴陽却鼓鑄及商旅例金尋丁外艱回籍

閉門不妄謁有司與人交表裏若一有阨窮者輒賙給之于親黨故舊尤篤卒年八十有九

吳鑄字鼎吾崇禎丁丑進士廣信司理鉛山峒寇薄城鑄用間設奇斬其渠魁張普微等餘悉就撫己卯分校鄉闈拔劉渤爲第一壬午應南畿聘得士陳俶吳穎諸人平反疑獄如夏桂洲後裔艾南英受誣俱賴昭雪陞儀部歸

俞汝言字右吉少孤苦學試輒冠軍鼎革後遂棄去家貧浩然自得有族父富而無子當立汝言族人爭之卽謝去游燕趙閩粵雲中雁門廣搜載籍歸而閉戶

著述有漸川集先儒語要京房易圖晉軍將佐表禮
服沿革漢官差次考宋元舉要歷紀年同聲錄崇禎
大臣年表卿貳表明世家考寇變畧弇州三述補品
級廣考謚法考補雙湖雜錄本草摘要晚年著春秋
平義四傳糾正坐是兩目失明猶令人口誦諸書仍
口授所見使筆記之

施博字易修號約菴崇禎間庠生少有遠志不嗜進取
鼎革後一意啓迪來學朔望立會講貫浙東西聞聲
踵至長安曹穆欣容城孫夏峰馳數千里時相問答
晚年學益醇粹升座講學聽者罔不感奮卒年七十

有四所著有姚江淵源語錄講義

國朝

曹溶字秋岳崇禎丁丑進士仕御史入國朝歷仕至

少司農出守粵藩左遷陽和道歲大饑力請賑救全

活甚多裁缺歸里後以博學鴻詞徵復薦修明史辭

不赴輯崇禎疏抄及傳諭錄二書呈史館生平愛才

若渴以弘獎人倫爲己任人稱文章宗匠爲文沉思

湛鬱詩本少陵性酷嗜書廣收博採藏至數萬卷尤

海內僅見所著續獻徵錄輔臣傳靜惕堂詩文集子

彥樞訓導彥桓國子生彥棧康熙甲戌進士任大興

令能承先志

何元英字蕤音順治乙未進士授行人典試粵西稱得
士遷督捕主事時窩盜令嚴全活甚衆後授御史首
言重學校廣生儒一切條議奏疏皆關大政視鹽河
東剔蠹疏引以通政叅議假歸生平慷慨好施尤急
人之難絕不以私情干有司至民生利害必盡言無
隱子密貢生邑令

張天植字次先張萬壽子萬壽長子天柱明經著有進
善寶書天植中順治己丑進士授編修省親旋里值
歲歉殫力倡賑視學中州力挽頽風釐剔積弊晉大

理卿同法司核議必求可生之路全活多人子旻舉
人昌貢生晟拔貢太原令旻子聯箕舉人餘姚學博
龍驤舉人聊城令

黃自起號樵雲順治己丑進士學問淹貫以比部郎典
山西試視學河南皆稱得士卒於官貧不能殮經略
洪承疇歸其櫬著有鶴渚堂詩

錢江字容山順治己丑進士初仕瑞金令勦賊安民歷
仕至洮岷道告歸孫以煥康熙丙戌進士黃陂令

項景襄字着山錢塘人籍秀水順治壬辰進士由庶常
歷官兵部右侍郎淹通羣籍工書法遇事持正敢言

時比部欲改三流例減死者一家皆戍烏喇景襄謂
大辟止其身若驅一家無罪置窮徼非好生意力爭
不果行先是海禁未開許濱海民以二百石船沿海
捕魚東撫欲禁其篷桅景襄以二百石船非篷桅不
行許其捕魚而禁其篷桅是餌而阱之也議得寢溫
台有來京贖被掠子女者主者難之景襄曰此皆良
民第驗有司文結宜卽遣他所俘視之卒賜祭葬子

淞貢生

浙

屠洪基字濬之順治年任陽山令暮月政成次年象賊
馬寶攻城堅守二旬城陷罵賊死後令郭升殮瘞士

民春秋祀之子又良字尹和康熙癸卯解元庚戌進士任扶溝令政務寬簡以德化民解組後四壁蕭然舉瓶山詩會以風雅爲唱酬與後輩論文啓迪不倦士林宗之

杜臻字肇余祖蘅父帽世有令德順治戊戌進士授庶常歷陞四部尚書時有婦毆姑死者婦置典將并刑其夫臻鞠婦毆姑不于其家夫以不知情未減監修律例剖析精詳有議裁冗兵者臻以裁之則兵無所歸嗣後有缺無補其額自減立朝三十餘載事多類此引年告歸賜匾烟霞耆舊歿復有眷懷舊德之錫

嘉興府志 卷之五
子庭珠授邑令

曾王孫字道扶父耒篤學贅於曾元良以王孫爲嗣本
姓孫順治戊戌進士授漢中司理專意平反督修棧
道二萬八千丈往來至今稱便改補都昌令都民資
新建縣湖洲之草越境爭取構訟二百年王孫移文
新建先定艸價令都民輸銀于縣解給其湖艸聽採
不禁訟遂息歷陞部曹視學四川當兵燹後加意恤
士著有清風堂詩文漢中都昌等錄子安世貢生浦
江訓導

吳源起字準菴鑄子順治辛丑進士筮仕洛陽令時滇

南告急奸民乘機爲亂起密擒其首黨遂散洛邑賦
重力請撫軍具疏歷陞給事時舉博學宏詞薦當湖
陸隴其或謂陸深於理學辭翰非其所長起曰理學
爲文詞根本可二視乎其他慷慨直言皆似此尋以
親老假歸年踰古稀遍遊名山著五嶽遊記

嚴敷字辰臣制藝神似陶董順治辛丑進士留心經世
議論古今得失如指掌未仕卒著有讀易堂文集仲
兄觀字質人明經授訓導博通羣籍主司熊鍾陵得
卷擬掄元失後塲大爲扼腕巡按王元曦式閭旌額
著有禹貢輯要醒菴偶抄季弟臨字覽民拔貢任中

書五經三史能暗誦年十三卽工制舉業兼善詞賦
著醒齋詩集國初文社蔚興四方名士翕集而文行
兼優咸推三嚴云

宋瑾字崑友庠生祖應祥父承武世敦孝義瑾與侍御
陸稼書爲友序其四書大全講學於武林葛元亮家
著有習是編教學圖又有養正編事文納牖寶信錄
識小集禮記集註姓譜類編治略芻言位思錄嘗遊
闕里睹三教堂駭甚遂啓衍聖公毀之著闕里紀言
後聘主紫陽書院闡明聖學有會講問答方正學年
譜序建文遜國聲致錄及四書說約旁註子心鎔心

鑑心鑰俱庠生

李令聞字平叔夙負經濟順治年間隨征楚粵單騎降
龍虎關歷任零陵寧遠令時大兵進勦俘獲多良民
審釋無辜數千人改知全州招徠西延猺洞捐修學
宮賑濟饑民卒於官

沈大詹字伯遠修撰自邠孫太僕李日華壻與弟大遇
字仲謀皆推重士林時三吳文社競起雲間婁上爭
相延致幾罹黨禍晚年司鐸遂昌值耿逆亂避匿深
山被叛兵邏得強以冠帶佯疾不食卒

朱彝尊字錫鬯號竹垞太傅國祚曾孫康熙戊午舉博

學宏詞除檢討預修一統志明史列傳典江南試所
拔盡知名士胡任輿陸肯堂黃夢麟輩皆先後成鼎
甲賜第景山入南書房旋罷歸賜研經博物四字匾
額所攜僅圖書數簏家居十九年專意著書四方士
爭集其門得片語競傳誦嘗語人曰詩文須根本經
學否則淺陋勦襲而已藏書數百萬卷晚年殫精六
經構疏註七百餘種皆成誦所著經疑考瀛洲道古
錄五代史注禾錄未付梓又著日下舊聞明詩綜詞
綜齋志曝書亭集係歿後友人通政曹寅刊行子昆
田字文盞學殖甚富先葬尊歿其所著附刻于曝書

亭集內

沈瞻日字仲臨耀辰子庠生父宦粵東值鼎革烽烟阻
絕從間道入粵冒險尋親數濱於死卒奉父携弟以
歸人稱爲純孝生平敦實行尚氣節嘗以樓房貸友
居五十年以不葺致圯絕不較爲文沉雄博大名流
無不願訂交歿祀鄉賢長子京文字彥博有經世才
篤于孝友品高行潔工制藝及古文辭文名甚盛以
明經授邑令惜未仕卒著有藏笥稿次子廷文有傳
曹晉字受明拔貢仕東平司馬詳葦漕鹽陋規安山西
南明季蓄水濟運號禁地土民王山指朱璧妄墾禁

地控部行查馳勘立剖戴村大壩濱河時河決壩倒
修築七十餘丈建割地禦水之策復植柳以護壩基
至今賴之梁山劇盜爲患奉委勦撫傳檄招順不戮
一人後引年歸樂善好施壽至九十有五子武裔國
學生

卜陳彝字聲陔康熙甲辰進士陝西洛川令值滇黔之
變修堡砦練鄉勇李師膺朱龍二叛將薄洛城陳彝
請救於宜君鎮將楊楊知陳彝素得民心提兵至洛
內外夾攻賊遁去鋒鏑之餘招徠綏戢不遺餘力再
補武昌令免派歸巴脚價及協濟大兵艸束民德之

李歷陞吏禮二部卒於官子彭年監生亦有文彩

袁定遠字靜公康熙庚戌進士授新野令滇黔用兵預
籌供應絕無派累陞平度知州革耗羨興文教上官
倚如手足部民戴若父母歷陞吏部文選郎不動聲
色遇胥吏鬼蜮伎倆洞若觀火事皆公正寬大冢宰
陳廷敬深器重之謂本朝選君以袁爲第一仕終順
慶知府

沈廷勸字克齋父繩芳任池陽別駕廷勸由選拔授新
寧令當流寇殘破後城中居民僅數十家盡力撫綏
後歸併梁山邑人感慕不忘名其邑爲沈公村補任

欒城值鄰邑亂鎮將俘獲子女數十人廷勸閱狀釋
之著有身易實義理學大成等集歿祀鄉賢

沈廷文字原衡康熙戊辰科狀元天姿英敏師事兄京
文學有根柢官修撰四壁蕭然親友在京困乏者必
周之雖典質不少靳同年友某卒於邸經紀其喪以
旅櫬南旋甲戌分校禮闈得十三人皆知名士一時
聲譽籍甚以省親給假依依不舍因嚴命再補原職
歿時僅四十七未展其用所著有廣居文鈔燕邸雜

咏北征南歸等集

李陳常字時夏號嶧山康熙癸未進士官刑曹郎有內

李陳常字時夏號嶧山廬熙寧未進士官刑曹員外
府賈人控涿州民借帑者連千三百人陳常力爭不
得閱數月十四司積案纍纍逮繫徧直省大司寇專
以相委入內府審理執法不撓省釋寃民萬計出守
鳳陽人持辦香相送百里不絕旋陞兩淮運使盡革
陋費以清積逋擢兩淮巡鹽御史卒於官撫浙中丞
朱公軾曾同仕刑曹爲作墓銘有云其智可及也其
勇不可及人稱定論

李登瀛號叔遠歲貢生仕梓潼令有政聲先是大司馬
靳輔治河延致幕府是時河奪淮泗故道登瀛議開
中河以避二百里波濤之險漕艘民舟至今賴之

沈敕功字獻民父沈孚端方好義敕功能承其志以歲
 貢授分水教諭陞任丘令除積弊建義學教辟水田
 以足民食凶歲賑饑全活甚眾民德之建感恩坊卒
 於官立祠祀焉

張龍驤字標年康熙丁巳舉人任聊城令禁私派革陋
 規縣有丈量舊尺奸胥截短誣民欺隱驤較原尺正
 之懲吏以法歲饑民有鬻妻女者悉令贖還去官時
 民盡流涕立碑誌德

朱象鼎字禹州父麟世從征川幕署知夔府叅浙幕獲
 山賊黨慮囚族屬皆議死麟世曰律稱謀反族誅者

爲期以上言也若大功下濫入則非奏得末減象鼎
中康熙戊午舉人令鄆都川東饑禁私糶楚省川屬
皆遏糴民大困請弛其禁修邑志遷通政經歷督儲
請革倉弊

陳士鑛字山貢由貢生授中書歷工部郎出守萊州捐
俸賑飢尋知鎮江當南北孔道往來乘傳絡繹士鑛
經畫悉當於民無擾以疾卒於官

浙

得

尤文

館

書

圖

江

浙

雷革食禮

刺士濼宇山貢由頁主對中書王時暇出守萊州

昔張駿吳大隈諸族其楚浙呂志張彭如盛風晉

中寒照九千舉人今禮階川東贈其觀登作爪

盈照以土官也昔大改不歸人傾其意尚求

孝義

明

陳曷事母孝母邁危疾思食鯉乃循溪岸聞魚躍聲解衣入水得巨魚爲羹及母歿廬墓三年誕日祀母一鶴從空下舒頸鼓翼馴擾庭中里人爲繪圖子孫多循謹五世孫九德孝廉令潛山一德子懿典官宮詹鍾璧字良玉年十八以宸濠變三丁籍一勤王時三兄秀龔龔俱隸學宮官報父端名達省璧曰家有四子不能免父行間緹縈何人哉璧雖幼願代父行濠平得歸叔完請爲嗣子天才歲貢生孫庚陽進士官刑

部郎

劉鏜字大聲舉明經資廩餼以供甘旨弟程未娶積修
脯完姻人勸之仕曰我不能及親而仕今親死爲五
斗折腰耶杜門教子其子振宗亦以孝聞

吳槐新城人少失怙母病革焚香籲天割右股肉爲羹
以進不以告人

沈璧別號東隱明正德間應詔輸粟助邊授千戶弟兄
五人最友善柝產推腴受瘠代兄長卿役季弟遭回
祿卽與築居比沒撫其孤如已子

曾丙曾雨天性友愛奉母最孝丙以歲薦爲南清教諭

雨中鄉試爲國子助教

竇卿素以孝聞嘉靖間部使者下郡邑旌其門父嘗病足癰卿浣拭舐吮母病走叢祠密禱乞減已齡益之父母並壽九十

鄒國儒字醇甫嘉靖乙丑進士爲人愿恪有至行教其邑弟子最多

沈東字啓明以貢授博士母喪歸哀毀骨立不爐不扇不踰外閭者三年

姚世華字孟實天性孝友父嚴有所譙讓世華引咎跪請不少忤念母弟幼居產推腴處瘠爲文好司馬子

嘉興府志 卷之四
長滔滔不竭就試南畿以母病目不欲行後得雋母
病疽世華衣不解絰日夜悲泣祈以身代母尋瘳世
華發病死

高尚志性至孝母陸以少子死悲哀咯血幾絕尚志奉
湯藥昕夕不交睫顙天割肉和藥以進母尋愈郡縣
及學使者旌其廬

沈本積織起家郡邑舉爲萬石長守法奉公值歲饑有
詔勸富民賑貸本輸粟五千斛旌爲義民未幾聞寇
猖獗郡守率民兵往禦本毅然偕行無難色景泰間
募富民納粟實邊本供白粲數百斛將上道疾作屬

子淳代往其輕財尚義至老不衰

項元淳字子南項襄毅曾孫廕錦衣早孤有遺資萬餘
母黃孺人命舁寄府庫值嘉靖甲辰歲稔元淳悉蠲
以賑全活饑民無算郡守欲上其事元淳曰吾豈以
此邀名乎力辭之

陶廷錦字公重嘉靖壬子舉于鄉有隱行友人坐事逮
捕暮夜持數百金授之云勿還廷錦封緘授婦其後
友人事雪舉囊歸封緘宛然族兄鎰死無爲後者戚
里欲立其子力辭又割腴田百畝竟不受任饒州司
理鎮江通判俱以廉能稱子涵中領鄉薦

朱儒字宗魯由吳江徙居秀水善醫昆弟四人析產皆讓弟入都值大疫治活無算授太醫吏日後陞院使嘗侍疾禁中神宗御文華殿暖閣召儒切脉儒奏聖體病在肝腎宜寬平以養氣安靜以益精上首領之兩宮太后及后妃公主有疾率令中涓言狀從儒授方士大夫爭相倒屣所得俸入多濟困阨貧者不受其藥資或潛置金藥帖中更周其急里中人客死者倡義經紀其喪年七十七卒以子國祚貴贈太子太保大學士

徐瓚以功曹任廣東海陽巡檢會開礦聞父喪賈人餽

百金冀緩須臾行可亟發獲倍利瓚卻之曰父死之
謂何而以利爲哉遂奔喪歸濱海人高其義爲立却
金碑孫學周雷州同知

夏雷有叔客姑蘇三十年垂橐而歸病不起爲治殯後
知吳人有負叔貲者索歸悉昇嬖故人樂松爲怨家
所構代費數百緡雪之鄰有少婦窺雷獨寢以餘桃
啖之面發赤流汗脫身走晚被旌額賜章服子日葵
句容邑令

項德純字穆以字行項元汴子官中秘輕財好施置義
田四百二十畝捐郡學及嘉秀善三學以賑諸生與

實文焰沈文銳竝載義田公移穆書法擅長與伯氏少嶽齊名有雙美帖行世季弟德明號鑑臺有兄卒于旅子幼德明走數千里扶襯歸經其家事一無所私董文敏傳稱墨林六子或得其書法或得其繪事或得其博物而季獨得其淳行云

卜宗洛思賢里人太學生性孝友輕財喜施諸不給者夏叩之卽應子四人孝友如其父三成進士

周允文號衍溪襁褓時其父相賈于燕坐事亡山海關外及長日夜涕泣事母喪葬畢拉其姊之夫偕行訪父抵京哭詢哀感路人一翁語之曰爾父我友也曾

以事故脫身塞外已十五年爾何從踪跡耶允文號
不已翁指示出關冰霜踣頓遇其父于途姊之夫識
之抱持慟哭時父已起家爲木商納婦生子允文恐
其畱戀牽裾趨歸色養數十年父子竝以壽終子鼎
隆字道從亦以孝聞母莫目瞽性嚴隆委曲承歡孺
慕至老不衰事兩兄最友愛髫年補博士與同郡宋
鳳翔並有文譽

賀燦然號道星早著文譽家無負郭取脩脯自給然甘
脆不備不敢侍母七箸兩弟不齊身不進食登萬曆
乙未進士仕行人擢吏部歸

嘉興府志 卷之四
沈元昌字鴻生幼穎悟年十二列弟子員以孝聞居喪
哀毀致疾有弟四人食同案出同衣先人遺產悉授
諸弟食貧樂道有古人風舉於鄉兩任司教五子九
孫耕讀孝友三世不替

邵宗舜字瑤光庠生工詩賦善艸書父母亡哀毀骨立
時有押運重役罄捐私產爲兄弟償逋心力俱瘁垂
斃不悔鄉黨重之

陳愷字素心有聲庠序間義篤宗黨尤工吟咏多篇什
乙酉死于兵子苞廩生

徐世濬字思子必達子幼負異才孝友真篤輕財好施

常以千金濟人急食餼當貢稱疾讓需次者與弟泐
共營千金之宅後讓泐勿較也子格究心理學亦以
孝友著孫燮元有學行早世

宋承武父應祥貧而有搯旅舍得遺囊三百五十金候
其人還之其人感泣願酬其半應祥謝不顧生三子
季卽承武長兄性嚴急事之曲謹力葬三世撫育五
甥孝友敦睦里黨宗之

葛學孔字碩溪性至孝親歿廬墓十餘年隱居讀書不
求聞達言規行矩鄉里欽之舉鄉飲賓

姚堯胤字雲卿庠生博通五經諸子於周易性理尤究

心晚年肆力詩詞樂善好施日以救世安民爲念漕
兌煩苦請直指革除陋弊大暑禁疫條陳清理刑獄
連年饑饉倡捐施賑務期人沾實惠子徽邕孫建侯
俱庠生礪武舉曾孫祖愈廩生以忠厚世其家

葉森字公榮弱冠食餼事親孝課諸弟皆成名乙酉師
下江南徽州武弁黃伯脩引兵迎拒屯兵嘉興城下
衆苦其貪暴以森平生任事敢言推森往諭遂被害
至死辭色不撓

浙

張次柳王鯤俱諸生素負氣節乙酉破城毅然就死張
子玉立亦死之

及邦清字鳳儀志載巢節母其曾大母也邦清七歲喪
父哀毀如成人養母竭盡子職母卒擗踊廬墓動遵
古禮季父客死負骸歸葬妻亡邦清時年三十不再
娶二子相舜贊堯事邦清亦盡孝妯娌化之一門雍
肅郡守監司高其行舉鄉飲大賓旌其廬王庭爲立
傳

徐郴臣字亦于好奇負志節崇禎丙子舉于鄉有司重
其名欲一見不可得庚辰公車罷歸已抵宿遷矣聞
友郁起麟病于費縣旅舍策蹇回視起麟死經紀其
喪以傳染得疾卒兩襯同歸人稱死生交祀鄉賢仲

子賚方總角西銘張溥奇其才以姪女妻之季子維
以俠聞

卜年字翁洲已卯登鄉薦時當鼎革閉門掃軌父通年
邁孝養備至居家節儉而賙卹親黨不少各著言志
集

劉謙齋績學砥行負時名四方思爭延致以母病覺却
之終日依棲一室母子相對人咸稱爲劉孝子李日
華有傳

吳兆華字孟岌吳淞孫崇禎時明經爲同里陳懿典馮
夢禎推重性耿介不妄取與有孫主事贈金無名固

却之子元淳字友王亦有文名

姚勉字仲堅先世伯通之後博覽羣書喜習岐黃家言
且好周人急有負約數百金悉焚其券鄉里德之壽
八十餘次子敬明州守孫宗豫教諭弘賁州佐俱能
世其家學

國朝吳天俊庠生家貧力學性至孝乙酉大兵南下奉親
避兵母姚忽病篤道路梗塞無從覓醫乃泣禱于天
割股以進盜至奪其父臥篋後哀求不已盜怒以刀
斫之刃忽墜僅持一柄盜驚愕去兄蚤年病廢生養
死葬如事親禮人稱其孝友

嘉興府志 卷之二十四 三十一
朱彝敘字範臣順治辛卯拔貢負雋才爲張天如陳臥
子兩公推重性至孝事父茂時至老不離晨夕爲父
闢放鶴洲時時寄情詩酒養志數十年後父病腹諸
醫莫識忽方外踵門療之旋踪跡不得人以爲孝感
父歿時彝敘年已七十同里王庭嘗稱其終身孺慕
云子建子字辰始輯家乘十二卷訓子孫動遵禮法
年八十而歿孫丕或康熙乙未進士

錢國元字瑞芝性至孝母楊病篤醫藥不效籲天身代
割股以進痊後復病又割如初有司旌之

董士昌號寧菴順治己丑進士陝西平利令砥行好學

嫻戚中孤寡貧乏者爲之婚娶朋友有急解贈無恡
色歲歉倡始賑濟婦女爲亂兵所掠代爲贖回人咸
德之士昌卒於官子天和間關扶櫬備盡孝道

沈蕙纒字馨聞大遇子砥文礪行遠近宗仰痛母包早
世終身食不重味祖母馮病亟割左股醫者云割股
肉必傷生故世傳割股類以肱代今君得全乃孝感
也所著有三實居士集

屠英康熙戊子副榜井陘令遷灤州知州居官稱廉敏
家居後敦親睦族捐資重修康禧公書院人咸重之
陳王愉字怡靖好義樂施郡守史載重修學宮王愉首

三才圖會
卷之四
四
輸數百金悉心區畫以勦大功族兄某負客三百餘
金拮据代償遇友人婚喪資助無少吝巡按王元曦
具疏旌獎子祖錫開化訓導祖銘歲貢生

鄒模字景岩五世同居寬厚好善延名師訓親黨子弟
致通顯歲凶出粟賑濟孫採庠生以孝行稱

卜玠宣字電章大同元孫至性過人方四歲遭回祿失
父所在號呼赴烟焰中挈其父捧祖像以出人嗟異
之及長試輒冠軍丙子舉於鄉家徒四壁恬如也至
老不釋卷著有冷溪集杏軒詩艸四書精義尚書合
參諸書子楫舉人

戴樹屏字集宣太學生性至孝事父長涑曲意承志遇
有疾衣不解帶刲股和藥事母亦如之生平持行端
方族黨有急必調恤之屢躡塲屋而嗜學彌篤有望
杏軒文集行世子弘燾明經孫露有聲黌序

朱元字子肩庠生七齡喪母以失傳真爲痛每夕顙天
奠形夢寐積五十餘年一夕夢神謂曰汝能不失孺
慕之心當使得見親顏晨興幼姪淳素不知繪事忽
言夢見大母援筆成像老成姻戚咸驚爲神肖稱其
至誠格天事繼母至孝撫諸弟曲盡友愛分產推腴
取瘠有薛苞風其他設糜施藥諸善事尤力行不倦

盛支燧字恂如父本枋歿時燧始十歲母陸守節貧不能從師助母紡績易米以給朝夕母子依倚二十餘年克盡孝道史官睢州湯之旭爲立傳

葛天麟字雯倬爲諸生有聲後入太學城中水道久淤或填塞以營屋乃請郡守佟公考訂故道倡捐開濬期年功成尤篤於友誼時論稱之

曹德望字渭公事母盡孝母疾藥勿效割股肉以救諸昆弟困乏者輒助之子士勲士烈亦知名

沈曠字觀大庠生事親孝交友信遇族黨困乏不惜相濟子球庠生

張作霖庠生性至孝母病篤割股以進越一日途遇一
道者云我知爾臂痛有藥可愈忽不見敷之果愈鄉
里獎額曰孝友堂霖沒妻沈氏紡織課子成立

沈選文字聞瑤太學生性孝友承父志讓財諸叔獨力
營葬祖父母與弟同爨皓首無間言持躬端莊不苟
諧俗晚年閉戶課子勵行益力

金士龍字雲生年七十時有九十老母極其孺慕撫弟
姪成立鄉黨稱之

鄒世麟字魯傳號嶧峰學能淵博授職不仕孝奉父宗
仁更祀先世於祖香居極其誠敬捐修藏字圩石逕

延袤數里飾郡廟神像築石臺臨歿時猶囑其子學

博天嘉修啓聖宮里中稱其篤行

陶德信字季夔幼有至性父歿終喪不離殯所事母尤

孝郡守閻公嘉其行舉鄉飲賓

王生槐邑諸生父病侍湯藥不離日夕禱天願以身代

族黨稱其孝行

吳文宇字開和太學生

里吳階曰孝文堂

孝文堂

孝文堂

文苑

明

范言字孔嘉嘉靖丙戌進士仕至大理同知博綜經史
善屬文時比部彭輅以文辭相頡頏范宗韓歐有體
裁彭出入史漢兩家各不相下

屠應竣字文升康僖公季子嘉靖丙戌進士選庶常調
主事典江西試程義擅美一時尋遷侍講進宮諭爲
文比事屬辭縱橫典籍而原本子長詩法獨出新旨
諸名公皆傾下之著蘭暉堂集

萬邦彥字濱虹嘉靖乙卯舉人姪壽國字蓋卿萬曆甲

嘉慶庚子
卷之四
三

午舉人伯姪俱志行高潔不樂仕閉門著書以立身
行已勸迪後進壽國子祚亨孫人望民望世望曾孫
必大俱諸生一家自相鏃礪九世同居孝友嫻睦禾
中家法首推韭溪萬氏壽國工書法祚亨人望必大
兼工于画必大子弘道画法入神品早世

沈德符字虎臣修撰自邠長子萬曆戊午舉人幼稟異
質日讀一寸書凡經史子集及前代經濟典故精核
靡遺交友編天下不附黨援孜孜汲引後學著歷朝
正閏考萬曆野獲編清權堂詩集行世弟鳳字超宗
負雋才早卒華亭董宗伯其昌云自超宗亡後余楷

法無傳其見愛如此次子克家字慶仲讀書不仕

項元洪字子瞻性狷介不治家人產博學嗜古工詩詞

尤善艸書以資拜上林丞時與騷人衲子往來唱和

駱文衡字季銓筆法鍾王與周天球王穉登結社論書

著有字學源委

陳泰寧字坤益學士懿典子少博學聞有異書輒手自

抄寫積數千卷試諸生輒冠軍先懿典卒有尚書講

義十卷行世

卜世臣字藍水性磊落不諧俗日扃戶著書有挂頰言

玉樹清商多識編樂府指南卮言及山水合譜行世

孫休庠生

姚繼華字鳳亭庠生性坦直學問淹博著書經講解及
禹貢纂要九州圖說歷代綱鑑等書晚年作宇宙災
祥占驗考籌邊要略併九邊圖說又有東征記略諸
曆纂要子堯胤庠生

國朝

吳天泰字謚生副榜方正博學作文一歸雅馴後進爭
執贄門下著有星帶文集子周瑾曰來周瑾歲貢研
究家學著有溪怡居集曰來已酉舉人德清教諭性
孝友撫孤姪成立周瑾子振武寶坻知縣

施永圖字明臺由明經仕至鳳泗道歸里後著歷朝聖
主芳規五經四書慧解天文地利火攻心略歷代紀
異及醫方本艸醒世恒言諸書行世

蔣之翹字楚穉少工詩採禾中先正諸咏爲檇李詩乘
家貧好藏書明末屏居村舍時盜賊充斥猶收羅名
人遺集數千卷著有甲申前後集自註晉書昌黎河

東詩集行世

陳忱字用亶順治甲午副榜少孤力學能默誦五經詩
文力追古人鍵戶著書時與曹溶朱彝尊往來賦詩
有誠齋詩集不出戶庭錄讀史隨筆同姓名錄諸書

嘉興府志 卷之四 五
行世子建燿邑諸生醇謹能文延煒丙戌科進士

毛延芳字石墨康熙庚戌進士工制義名重一時尤精

書法任新淦令甚得民心歸里後恬淡自得寄情詩

酒人服其高致

書

陸涵字秋芳九歲能文兼善詩歌聲譽出諸生上終歲

薦子霽字文端康熙乙丑進士除榮昌令歲旱捐俸

以賑境內多盜乃名鄉之老成諭以大義而不事嚴

法邑人德之

浙

鍾欽立字宣遠前貢士弟子宮字恕雯庠生俱有聲藝

林欽立字淵映字廣漢熟于諸史嘗謂五代史與通

鑑見有異同欲編纂未成早卒有信志堂詩子郭機
有文名

項奎字子聚諸生工詩精繪事自稱墻東居士年七十
囑友人葉燮爲生墻誌銘有晚盥堂詩學

蕭瑛字荆玉崇禎庚午副榜教授生徒多名士子壘字
廣六訓導敦行嗜古兼通醫理

李含溪號南溟明太僕日華曾孫應總河靳輔聘繪河
圖有研山繪餘咏行世

吳之機字達可爲前輩俞汝言入室弟子著述甚富遠

近就學者甚衆兼好周恤已雖屢空勿顧

陳彭齡字耆庚中丞德元曾孫工文章與卜彭年相砥
礪俱有聲蓬華蕭然不改其樂

項以淳字長孺有文名門弟子多登仕籍棄舉子業自
號古村老圃有邨居集蠹餘艸洗硯篇秋水唱和諸

詩行世

吳讓木字交樹樂清教諭時耿逆變後學宮鞠爲茂艸
卽興復黌舍遷溫府教授能不變士風喜吟咏有石
堂詩集

駱琦字允文康熙戊子恩貢有文名克敦孝友讀書寒
暑不輟教授生徒人有長厚稱

周蘭森字馥佩明經工制舉業及古文辭講學授徒和
易善誘人稱長者

陳鐘字西音郡學歲貢生博於經史尤篤孝義友愛諸
弟成立鄉黨咸嘉其行

項觀國字子賓襄毅公七世孫潛心理學文行推重於
時食餼上庠試輒冠軍晚年鍵戶著述遠近宗之弟
子獲雋甚多師門之盛一時無兩云

卜垣字僧坦居秋涇里教授生徒皆知名士生平文稿
甚富爭傳頌之

沈善世字爲久具雋才工於集杜詩推重藝林同時有

孫昭字方回亦以詞賦擅名

祝翼權字斗巖海寧籍康熙癸丑進士縣令行取任戶

郎歷有惠政歸里移居禾城鍵戶纂輯詩文學者宗

之子秉貞夫復訓導孫維誥郡庠生

陳國英字實爽

陳立嶽

刺鯨字西音游學短負坐射浙

善翁人

周爾森字野庵

隱逸

明

周履靖字逸之淹古今典籍編茅植竹號梅癩居士妻
桑食貧借隱相倡酬時比之梁孟劉鳳爲作貧士傳
有所著詩并手訂金石古篆隸

邵貞四原籍餘姚臨安廣文元末避亂居秀水竹籬茅
舍自題其居曰芝庭兄弟八人因亂散處友愛不稍
懈長水閻真爲立傳

殷仲春字方叔自號東臯子隱居教授兼岐黃葭墻不
蔽風雨暇輒行遊書肆購古帖殘書與子志伊補葺

考校申且不寐與禾中高士高谷傳姚叔祥郁伯承
王子逸釋秋潭載酒問奇刻燭分韻遇顯者輒引避
所著有醫藏目錄棲老堂集志伊字古耕好讀晉書
醇謹愿朴華亭陳繼儒常過訪其父子貽詩贈之

惟經字協嘉隱居復禮鄉父病割股以療乞減己年益
父算及親歿茹素終身言方行矩里黨稱之

吳麟玉字稚貞少負才名放浪詩酒築小圃栽竹額爲
琅玕社與雲間陳繼儒釋智舫相唱和晚喜種梅調
鶴自號澹雪翁著有醉月軒閒吟艸

包麟趾字仁甫泗州刺史包世杰子性孝友父卒于官

麟趾弱冠扶襯哀毀骨立入太學稱能文工吟咏與
妻沈偕隱有浮峰閣唱和稿

沈麋字天鹿號蕙菴工詩賦雖家落不廢嘯歌游天台
武彞粵東吟咏成帙與陳繼儒李逢申錢應金李日
華李雯錢繼章曹爾堪諸人相唱酬爲風雅交著有
籟閣詞箋琴嘯軒樂府等集

朱崇儒初集老莊已潛心程朱爲博士弟子尋棄去遊
戲筆墨間入神品爲人豪宕有簡兮玩世風

高松聲字谷傳邑庠生志行峻潔搆水肥齋栽竹賦詩
書法宗二王高故王姓有從弟淑民字子逸亦工書

法相頡頏人以雙隱目之

顧鳳禎字聖徵副榜貢生孝友篤學天啓中辟賢良方正不就及聞懷宗變失聲痛哭病遂不起有濟荒書榮樹堂集仲子瑛繼其志以詩畫隱

吳統持字危叟雄才博學名重膠庠甲申後偕妻項隱鴛湖坐臥一室焚香讀易時賣卜四方稱胥山樵子著典林明月樓集危齋逸稿項名珮字吹聆與統持相唱和著藕花樓集

項元沐字子京國子生雅好古善別名人翰墨尤精繪事自號墨林山人神宗璽書徵聘不就時論高之孫

聖謨字孔彰画得家法稱逸品著有朗雲堂集

國朝

陳恂字子木崇禎壬午舉人父別駕憲來染疾需蘄蛇
泣禱五晝夜忽友人從楚中携至受知岳元聲爲復
社諸賢領袖鼎革後杜門奉母徵薦不出爲浙西四
孝廉之一監司郡縣多造廬必緩辭年八十九易簣
時懸黃漳浦倪文正長箋于榻前相對而逝著有餘
菴雜錄子莢謨並庠生性俱孝友莢善詩文舉博學
鴻儒不赴好學著書所交皆名士著有秋雪集莢子
善亦工詩畫

鄭光祚字四維原籍餘姚善天文明末時隱居梅花徑
友人招赴省試作老女辭見志授徒教學不履塵市
自號剝碩山人卒年八十著有剝碩集字典字子韶
庠生工詩且孝友著廡下吟幽河集廣古跡諸集
王阮亭擊節其詩欲客之不可自號友陶居士

沈銘起字墨菴崇禎間諸生通經史倜儻負志乙酉變
後棄家逃禪著明書傳集論有特見又著學園集大
易測詩逆春秋經傳引四書慎思錄

張鴻字遵渚隱居九里村教授生徒皆知名士姪禎字
端士亦力學敦行

吳從龍字九生少負異資兼精韜略從浙督張存仁征
閩授叅將爲水路先鋒通仙霞攻建寧功最偉後張
調任龍辭職躬耕著有蕪香稿子萬里孫宗岳以文
學稱


浙江圖書

衛州




浙江圖書館


臨江浦翰湖浪林梓林
 關外卷珠叙水在長綫
 吳封館宇大坐小負異資
 兼備簿初到德皆選齊
 二五




浙江圖書館



浙江圖書館



浙江圖書館



浙江圖書館



浙江圖書館



浙江圖書館

Blue Cyan Green Yellow Red Magenta White 3/Color Black

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7 8



浙江圖書館





浙江圖書館

